

欽定春秋左傳讀本



卷十三  
之十四

欽定春秋左傳讀本卷十三

成公

經十有一年春王三月公至自晉音晉侯使

卻擘來聘已丑及卻擘盟音夏季孫行父音

如晉音秋叔孫僑如如齊音冬十月音成公

傳十一年春王三月公至自晉晉人以公為

貳於楚故止公公請受盟而後使歸音

前年七月公如晉弔喪至今年三月乃得歸音

卻擘來聘且泄盟

道光二十一年

武英殿刊刻

左傳讀本卷三

成公

一

大夫來臨之

聲伯之母不聘穆姜曰吾不以妾為姒生聲

伯而出之嫁於齊管于奚生二子而寡以歸

聲伯聲伯以其外弟為大夫而嫁其外妹於

施孝叔卻擘來聘求婦於聲伯聲伯奪施氏

婦以與之婦人曰鳥獸猶不失儷去聲子將若

何曰吾不能死亡婦人遂行生二子於卻氏

卻氏亡晉人歸之施氏施氏逆諸河沈其二

子婦人怒曰已不能庇其伉去聲儷而亡之又

不能字人之孤而殺之。將何以終。遂誓施氏。

誓伯之母。叔盼之妻。禮聘則為妻。不聘無媒禮也。兄弟之妻。相謂為姒。叔盼宣公同母弟。穆姜呼其妻為姒。管子奚。管仲之後外弟。于奚之子也。孝叔魯惠公五世孫。儻偶也。不能死亡者。言不與卻氏婦必致禍。沈沈之于河也。仇敵也。字愛也。遂誓施氏。誓不復為之婦。

夏季文子如晉報聘。且涖盟也。

報卻讎之聘。

周公楚惡。惠襄之偏也。且與伯與爭政。不

勝。怒而出。及陽樊。王使劉子復之。盟于鄆。

道先二年。武英殿刊刻。左傳讀本卷三。成公。二。

而入。三日。復出奔晉。

惠襄。惠王襄王之族。伯與。周御士。陽樊。本周邑。後以賜晉。在今濟源縣。鄆。周邑。

秋。宣伯聘于齊。以脩前好。

鞏以前之好。

晉卻至與周爭郟田。王命劉康公單襄公

訟諸晉。卻至曰。温。吾故也。故不敢失。劉子單

子曰。昔周克商。使諸侯撫封。蘇忿生以温為

司寇。與檀伯達封于河。蘇氏即狄。又不能於

狄。而奔衛。襄王勞文公。而賜之温。狐氏陽

氏先處之。而後及子。若治其故。則王官之邑也。子安得之。晉侯使卻至。勿敢爭。

御。溫別邑。在今武陟縣。溫吾故者。卻至食采于溫。故又稱溫季也。撫封。各撫其封內之地。蘇忿生。周武王司寇。與檀伯達俱封于河內。蘇氏奔衛。在僖十年。狐氏。陽氏。狐溱。陽處父也。先食采于溫。

宋華元善於令尹子重。又善於欒武子。聞楚人既許晉糴。茂成。而使歸復命矣。冬華元如楚。遂如晉。合晉楚之成。

糴。茂復命。在前年。

道光二十一年

武英殿刊刻

左傳讀本卷三

成公

秦晉為成。將會于令狐。晉侯先至焉。秦伯

不肯涉河。次于王城。使史顛

河東。晉卻欒盟秦伯于河西。范文子曰。是盟

也。何益。齊盟所以質信也。會所信之始也。始

之不從。其可質乎。秦伯歸而背晉成。

王城。秦地。在今朝邑縣。史顛。秦大夫。齊。一心也。質。成也。

經十有二年春。周公出奔晉。夏公會晉侯

衛侯于瑣澤。秋。晉人敗狄于交剛。冬十

月

傳十二年春王使以周公之難去聲來告書曰

周公出奔晉凡自周無出周公自出故也

周公奔在前年書于今年者從來告天子無外故奔者不言出周公為王所復而自絕於周故書出以非之

宋華元克合晉楚之成夏五月晉士燮會楚

公子罷音疲許偃癸亥盟于宋西門之外曰凡

晉楚無相加戎好去聲惡去聲同之同恤菑危備

救凶患若有害楚則晉伐之在晉楚亦如之

交贄往來道路無壅謀其不協而討不庭有

淪此盟明神殛之俾隊同墜其師無克胙國鄭

伯如晉聽成會于瑣澤成故也

公子罷許偃皆楚大夫贄幣也壅塞也不庭謂不朝王庭隊失也聽受也晉楚既成鄭往受命晉既與楚盟故合諸侯以申好瑣澤即鄭之瑣在今新鄭北

狄人閒去聲宋之盟以侵晉而不設備秋晉人

敗狄于交剛

交剛在今平陽府

晉卻至如楚聘且泄盟楚子享之子反相去聲

為地室而縣同懸焉卻至將登金奏作於下驚

而走出。子反曰。日云莫矣。寡君須矣。吾子其入也。賓曰。君不忘先君之好。去聲施異音及下臣。

貶之以大禮。重之以備樂。如天之福。兩君相

見。何以代此。下臣不敢。子反曰。如天之福。兩

君相見。無亦唯是一矢以相加遺。去聲焉。音用

樂。寡君須矣。吾子其入也。賓曰。若讓之以一

矢。禍之大者。其何福之爲。世之治也。諸侯閒

音於天子之事。則相朝也。於是乎有享宴之

禮。享以訓共。同恭儉。宴以示慈惠。共儉以行禮。

而慈惠以布政。政以禮成。民是以息。百官承

事。朝而不夕。此公侯之所以扞戶旦切城其民

也。故詩曰。赳赳武夫。公侯干城。及其亂也。諸

侯貪冒。侵欲不忌。爭尋常以盡其民。略其武

夫。以爲己腹心。股肱爪牙。故詩曰。赳赳武夫。

公侯腹心。天下有道。則公侯能爲民干城。而

制其腹心。亂則反之。今吾子之言。亂之道也。

不可以爲法。然吾子主也。至敢不從。遂入卒

事。歸以語去聲范文子。文子曰。無禮必食言。吾

死無日矣夫冬楚公子罷如晉聘且涖盟十二月晉侯及楚公子罷盟于赤棘

縣鐘鼓也金奏擊鐘而奏樂須待也貶賜也兩君相見何以代此者言此乃兩君相見之樂非下臣所敢當一矢相加言兩君戰乃相見實無用樂諸侯問于天子之事則相朝者言王事間缺則相朝以脩私好享有體薦者爵盈而不飲凡設而不倚是謂訓共儉宴則節折其肉以登于俎相與共食所以示慈惠且見君謂之朝暮見君謂之夕不夕者言百官承奉職事皆朝朝而不夕夕避不敏也扞蔽也言借享宴之禮脩好隣封所以蔽扞其民也趙起武貌扞扞也言世治則公侯於武夫第取其扞難而已不侵伐他國八尺曰尋倍尋曰常爭尋常之地則必相侵伐畧取也將扞難者

道光二年

武英殿刊刻

左傳讀本卷三

成公

六

以為腹心股肱爪牙則欲收搏噬之用卻至意言與詩義腹心不相合所以亂也無禮必食言謂晉楚不能久和必復相侵伐後果有鄢陵之師楚公子罷如晉報卻至也赤棘

晉地

經十有三年春晉侯使卻錡極綺切來乞師

三月公如京師夏五月公自京師遂會晉

侯齊侯宋公衛侯鄭伯曹伯邾人滕人伐秦

曹伯盧卒于師秋七月公至自伐秦無傳

冬葬曹宣公

傳十三年春晉侯使卻錡極綺切來乞師將事

不敬。孟獻子曰。郤氏其亡乎。禮。身之幹也。敬。身之基也。郤子無基。且先君之嗣卿也。受命以求師。將社稷是衛。而惰。弃君命也。不亡何為。

蓋將事。致君命也。幹以樹木為喻。言有根本而枝葉自茂。基以牆屋為喻。言有下土而室構乃成。錡為郤克子。故言嗣卿。

三月。公如京師。宣伯欲賜。請先使。王以行。人之禮禮焉。孟獻子從。去聲王以為介。而重賄之。公及諸侯朝王。遂從劉康公。成肅公會晉。

道光二十一年 武英殿刊刻 左傳讀本卷五 成公 七

侯伐秦。成子受脤。音廬于社。不敬。劉子曰。吾聞之。民受天地之中以生。所謂命也。是以有動作禮義威儀之則。以定命也。能者養之以一之福。不能者敗以取禍。是故君子勤禮。小人盡力。勤禮莫如致敬。盡力莫如敦篤。敬在養神。篤在守業。國之大事。在祀與戎。祀有執膳。煩。音煩戎有受脤。神之節也。今成子惰。弃其命矣。其不反乎。

欲賜。欲王賜也。以行人之禮禮之。不加厚介。相禮者。孟孫以禮相君。故王加以厚賄。



劉康公。王季子。劉成二公不書。兵未及秦也。脹。祭社之肉。古者將出兵。必宜干社。民受天地之中以生者。中謂中和。養之以福者。養威儀。可以致福。膳。祭肉。情謂失中和氣。

夏四月戊午。晉侯使呂相去聲絕秦曰。昔逮我

獻公及穆公相好。去聲戮力同心。申之以盟誓。

重之以昏姻。天禍晉國。文公如齊。惠公如秦。

無祿。獻公即世。穆公不忘舊德。俾我惠公。用

能奉祀于晉。又不能成大勳。而爲韓之師。亦

悔于厥心。用集我文公。是穆之成也。文公躬

道光二年 武英殿刊 左傳讀本卷三 成公 八

擐音患甲冑。跋履山川。踰越險阻。征東之諸侯。

虞夏商周之胤。而朝諸秦。則亦旣報舊德矣。

鄭人怒君之疆場。音亦我文公帥諸侯及秦圍

鄭。秦大夫不詢于我寡君。擅及鄭盟。諸侯疾

之。將致命于秦。文公恐懼。綏靜諸侯。秦師克

還無害。則是我有大造于西也。無祿。文公即

世。穆爲不弔。蔑死我君。寡我襄公。迭音逸我殽

地。奸音干絕我好。伐我保城。殄滅我費滑。散離

我兄弟。撓亂我同盟。傾覆我國家。我襄公未

忘君之舊勲。而懼社稷之隕。是以有殽之師。猶願赦罪于穆公。穆公弗聽。而即楚謀我。天誘其衷。成王隕命。穆公是以不克逞志于我。穆襄即世。康靈即位。康公我之自出。又欲闕翦我公室。傾覆我社稷。帥我螫音牟賊以來。蕩搖我邊疆。我是以有令狐之役。康猶不悛。音詮入我河曲。伐我涑音速川。俘我王官。翦我羈馬。我是以有河曲之戰。東道之不通。則是康公絕我好也。及君之嗣也。我君景公。引領西望。

道光二年

武英殿刊刻

左傳讀本卷五

九

曰。庶撫我乎。君亦不惠。稱去聲盟。利吾有狄難。

入我河縣。焚我箕郛。音告芟夷我農功。虔劉

我邊垂。我是以有輔氏之聚。君亦悔禍之延。

而欲徼福于先君。獻穆。使伯車來命我景公。

曰。吾與女同汝同好。弃惡。復脩舊德。以追念前

勲。言誓未就。景公即世。我寡君一讀人是以有

令狐之會。君又不祥。背弃盟誓。白狄及君同

州。君之仇讎。而我昏姻也。君來賜命曰。吾與

女伐狄。寡君不敢顧昏姻。畏君之威。而受命。

于吏。君有二心於狄。曰：晉將伐女。狄應且憎。是用告我。楚人惡去聲君之二三其德也。亦來

告我。曰：秦背令狐之盟。而來求盟于我。昭告

昊天上帝。秦三公。楚三王。曰：余雖與晉出入。

余唯稍是視。不穀惡其無成德。是用宣之。以

懲不壹。諸侯備聞此言。斯是用痛心疾首。暱

就寡人。寡人帥以聽命。唯好是求。君若惠顧

諸侯。矜哀寡人。而賜之盟。則寡人之願也。其

承寧諸侯以退。豈敢徼亂。君若不施大惠。寡

人不佞。其不能以諸侯退矣。敢盡布之。執事

俾執事實圖利之。秦桓公既與晉厲公爲令

狐之盟。而又召狄與楚。欲道同導以伐晉。諸侯

是以睦於晉。晉欒書將中軍。荀庚佐之。士燮

將上軍。郤錡佐之。韓厥將下軍。荀罃佐之。趙

旃將新軍。郤至佐之。郤毅御戎。欒鍼爲右。孟

獻子曰：晉帥去聲乘去聲和。師必有大功。五月。丁

亥。晉師以諸侯之師。及秦師戰于麻隧。音遂秦

師敗績。獲秦成差。及不更平聲女音汝父音甫曹宣

道光二十一年  
武英殿刊刻

左傳讀本卷三

成公

十一

公卒于師。師遂濟涇。及侯麗平而還。迓晉侯于新楚。成肅公卒于瑕。

呂相魏錡子。穆公夫人。晉獻公女。故曰申之以昏姻。文公惠公出奔。不言狄梁而言齊秦者。以所背之大國而言。秦納惠公在僖十年。韓之師在僖十五年。集。成也。秦于僖之二十四年。納文公。草行曰跋。圍鄭在僖三十年。晉討鄭無禮。且以其貳于楚。故及秦圍之。今云怒君之疆場者。誣秦也。詢謀也。致命于秦。將致死命而討秦。大造于西。言晉有大功于西。秦以襄公爲弱。而伐鄭滅滑。云伐保城者。誣之也。滑都于費。在今河南偃師縣南二十里。滑。晉同姓。故曰散離我兄弟。舊勳。謂納文公之勳。殺師在僖三十三年。即楚謀我。謂秦使鬬克歸楚求成。在文十四年。文元年楚弑成王。逞。快

道光二十一年

左傳讀本卷五

成公

十一

也。文六年。晉襄秦穆皆卒。男子謂姊妹之子爲出。秦康爲晉伯姬所生。故云我之自出也。晉本迎立公子雍。而秦送之。今云螿賊者。亦誣之也。食苗根。蟲曰螿。食苗節。蟲曰賊。令狐。役在文七年。俊。改也。涑川。晉地。今蒲州東北二十六里。有涑水。城。河曲戰在文十二年。康公自絕于我。故東道不復通。撫我。望秦撫恤。不惠稱盟者。秦不願顧。俯稱晉望。狄難。謂晉滅潞氏時。夷傷也。虔。劉皆殺也。輔氏之聚。在宣十五年。延。長也。伯車。秦桓公子。令狐。會在十一年。秦又不祥者。言不善。晉文在狄難。季隗。故曰我之昏姻。狄應且憎者。言狄雖應命。而實憎秦。無信。三公。穆康共。三王。成穆莊也。出入猶往來。暱。親也。徽。要也。呂相辭多。誣。傳言令狐盟後。秦召狄楚伐晉。實秦之失。他皆因辭也。荀庚代荀首。士燮代荀庚。卻錡代士燮。韓厥代卻錡。荀罃代趙同。趙旃代韓

厥。郤至代趙括。郤毅。郤至弟。欒鍼。欒書子。帥軍。帥乘車士。麻隨。秦地。在今涇陽縣西南。不更。秦爵名。諸侯。秦帥乘和。敗秦師。西經。不書。秦敗。蓋文。侯麗。秦地。在今臨潼縣。新楚。秦地。在朝邑。縣。瑕。晉地。在今陝州。

六月丁卯夜。鄭公子班自訾音求入于大宮去聲

宮不能殺子印。子羽反軍于市。己巳。子駟帥

國人盟于大宮。遂從而盡焚之。殺子如。子駮。

武邦切孫叔孫知。

訾。鄭地。在今鞏縣。大宮。鄭祖廟。十年。班出奔許。今還為亂。子印。子羽。皆穆公子。子駟。亦穆公子。子如。公子班。子駮。班弟。孫叔。子如。子孫知。子駮。子。

道先一年左傳讀本卷三 成公 三

曹人使公子負芻守。使公子欣時逆曹伯之

喪。秋。負芻殺其犬去聲。子而自立也。諸侯乃請

討之。晉人以其役之勞。請俟他年。冬。葬曹宣

公。既葬。子臧將亡。國人皆將從之。成公乃懼。

告罪。且請焉。乃反而致其邑。

負芻。欣時。皆宣公庶子。欣時。字子臧。負芻。立為成公。國人皆不義。負芻。故欲從。子臧亡。請留也。致。邑。還其食邑。

經十有四年春王正月莒子朱卒無傳夏衛

孫林父音甫自晉歸于衛 秋叔孫僑如如齊

逆女 鄭公子喜帥師伐許 九月僑如以  
夫人婦姜氏至自齊 冬十月庚寅衛侯臧  
卒 秦伯卒 無傳

傳十四年春衛侯如晉晉侯強上聲見去聲孫林

父音甫焉定公不可夏衛侯既歸晉侯使卻孺

送孫林父而見之衛侯欲辭定姜曰不可是

先君宗卿之嗣也大國又以爲請不許將亡

雖惡去聲之不猶愈於亡乎君其忍之安民而

宥宗卿不亦可乎衛侯見而復之衛侯饗苦

成叔甯惠子相去聲苦成叔傲甯子曰苦成家

其亡乎古之爲享食去聲也以觀威儀省禍福

也故詩曰兕音祀觶音觥其觶音虬旨酒思柔彼交

匪傲萬福來求今夫子傲取禍之道也

林父以七年奔晉強見欲納之也定姜定

公夫人宗卿國之宗臣同姓者孫氏出于

衛武公至林父而入世不許將亡者言違

大國必見伐苦成叔卻孺食采于苦在今

鹽池東惠子甯殖詩言君子以禮燕飲皆

思柔德設兕觶以罰不敬觶陳設之貌交

于事而無傲慢之心則萬福來求歸之矣  
秋宣伯如齊逆女稱族尊君命也

八月鄭子罕伐許敗焉戊戌鄭伯復伐許庚子入其郛許人平以叔申之封

子罕為許所敗鄭伯復伐之郛郭也四年鄭公孫申疆許田許人敗之而其疆未定今許以其所封之境與鄭求和

九月僑如以夫人婦姜氏至自齊舍同捨族尊

夫人也故君子曰春秋之稱微而顯志而晦

婉而成章盡而不汙憂干切懲惡而勸善非聖

人誰能脩之

舍族謂不稱叔孫志記以晦亦微也婉曲也微而顯者辭微而義顯志而晦者序事也

道光二年武英殿刊刻

左傳讀本卷三

成公

詳而文則微婉而成章者曲諱婉辭使得成章盡而不汙者盡言其事而無所汙曲持此四者書善惡示勸懲此經為微而顯

衛侯有疾使孔成子甯惠子立敬妣之子衎

苦旦切以為犬去聲子冬十月衛定公卒夫人姜

氏既哭而息見犬子之不哀也不內同納酌飲

歎曰是夫也將不惟衛國之敗其必始於未

亡人烏呼天禍衛國也夫吾不獲鱗音專也使

主社稷大夫聞之無不聳懼孫文子自是不

敢舍音赦其重器于衛盡寘諸戚而甚善晉大

夫。

成子。孔達之孫。敬。似。定公。妾。衍。獻公。必始。于未亡人者。言。獻公。行無禮。必從已始。縛。衍之母弟。重器。寶器。戚。孫氏私邑。善。晉大夫者。備亂起。欲以爲援。

經十有五年春王二月葬衛定公無傳三月

乙巳仲嬰齊卒無傳癸丑公會晉侯衛侯鄭

伯曹伯宋世子成齊國佐邾人同盟于戚

晉侯執曹伯歸于京師公至自會無傳夏

六月宋公固卒楚子伐鄭秋八月庚辰

葬宋共公同恭宋華元出奔晉宋華元自晉

道元一年 武英殿刊刻 左傳讀本卷三 成公 五

歸于宋宋殺其大夫山宋魚石出奔楚

冬十有一月叔孫僑如會晉士燮齊高無咎

宋華元衛孫林父音甫鄭公子鮑音秋邾人會吳

于鍾離許遷于葉舒涉切

傳十五年春會于戚討曹成公也執而歸諸

京師書曰晉侯執曹伯不及其民也凡君不

道於其民諸侯討而執之則曰某人執某侯

不然則否諸侯將見子臧於王而立之子臧

辭曰前志有之曰聖達節次守節下失節爲



君非吾節也。雖不能聖，敢失守乎？遂逃奔宋。

討曹成公。計其殺犬子而自立也。不及其民者，惡不及民，稱人示衆所欲，執前志。古書，聖人應天，故達節，賢者守經，故守節。愚者妄動，故失節。

夏六月，宋共卒。

同恭。

公卒。

公卒，晉與宋公將相為。

楚將北師。子囊曰：「新與晉盟而背之，無乃不可乎？」子反曰：「敵利則進，何盟之有？」申叔時老矣，在申聞之，曰：「子反必不免，信以守禮，禮以庇身，信禮之亡，欲免得乎？」楚子侵鄭，及暴隧。

遂侵衛，及首止。鄭子罕侵楚，取新石。欒武

子欲報楚。韓獻子曰：「無庸，使重其罪，民將叛之，無民孰戰。」

晉光二十一年，武英殿刊刻。

左傳讀本卷三

成公

十六

晉楚盟在十二年。子囊莊王子公子貞，申叔老而居申。新石，楚邑，在今葉縣。罪，謂背戰。數。

秋八月，葬宋共公。於是華元為右師，魚石為左師，蕩澤為司馬，華喜為司徒，公孫師為司城，向為人為大司寇，鱗朱為少司寇，向帶

為大宰，魚府為少宰，蕩澤弱公室，殺

公子肥。華元曰：「我為右師，君臣之訓，師所司。」

也。今公室卑而不能正。吾罪大矣。不能治官。敢賴寵乎。乃出奔晉。二華戴族也。司城莊族也。六官者皆桓族也。魚石將止華元。魚府曰。右師反。必討。是無桓氏也。魚石曰。右師苟獲反。雖許之討。必不敢。且多大功。國人與之。不反。懼桓氏之無祀於宋也。右師討。猶有戍在。桓氏雖亡。必偏。魚石自止華元于河上。請討許之。乃反。使華喜公孫師帥國人攻蕩氏。殺子山。書曰。宋殺其大夫山。言背其族也。魚石向爲人鱗。朱向帶魚府。出舍於睢上。華元使止之。不可。冬十月。華元自止之。不可。乃反。魚府曰。今不從。不得入矣。右師視速而言疾。有異志焉。若不我納。今將馳矣。登丘而望之。則馳。句。騁而從之。則決睢濫。閉門登陴矣。左師二司寇。二宰。遂出奔楚。華元使向戌爲左師。老佐爲司馬。樂裔爲司寇。以靖國人。

道光二年  
武英殿刊刻

左傳讀本卷五

成公

七

蕩澤。公孫壽之孫。華喜。華父督之元孫。公孫師。莊公孫鱗。朱。矐孫。弱。公室者。新君初立。公室弱。故殺其黨。肥。文公子。不能正。謂不能討蕩澤也。二華。華元。華喜。六官。魚石。

蕩澤向爲人。鱗朱向帶魚府。無桓氏者。恐元討蕩澤。并及六族。華元大功。謂合晉楚成。免宋圍。戊桓公會孫。有賢名。偏不盡也。經書宋殺其大夫山。去族以示罪也。睢水名。自今祀縣流入睢州北。又東經寧陵商邱夏邑。永城入宿州。注于泗。五大夫畏計。故舍于睢上。將出奔。溢水涯決壞也。五人出奔。惟魚石書者。獨以告也。老佐戴公五孫。

晉三卻害伯宗。譖而殺之。及欒弗忌。伯州犂

奔楚。韓獻子曰。卻氏其不免乎。善人天地之

紀也。而驟絕之。不亡何待。初。伯宗每朝。其妻

必戒之曰。盜憎主人。民惡去聲其上。子好去聲直

道光二年左傳讀本卷五

言必及于難。去聲

弗忌。晉賢大夫。伯州犂。伯宗子。驟。謂驟殺善人也。盜憎主人。民惡其上。謂羣小憎正人。常情亦忌勝己者。故君子當直而温。庶能保身成事。此賢明婦人之言。

十一月。會吳于鍾離。始通吳也。

鍾離。楚地。在今鳳陽縣東四里。始通吳。言吳始與中國接。

許靈公畏偆于鄭。請遷于楚。辛丑。楚公子申

遷許于葉。舒涉切

葉。今葉縣。

經十有六年。春王正月。雨。木冰。無傳夏四月

辛未滕子卒。鄭公子喜帥師侵宋。六月

丙寅朔日有食之。無傳。晉侯使欒黶來乞師。

甲午晦，晉侯及楚子、鄭伯戰于鄆。陵，楚子

鄭師敗績。楚殺其大夫公子側。秋，公會

晉侯、齊侯、衛侯、宋華元、邾人于沙隨。不見公

公至自會。無傳。公會尹子、晉侯、齊國佐、邾

人伐鄭。子曹伯歸自京師。九月，晉人執季

孫行父，舍之于莒丘。冬十月乙亥，叔孫僑

如出奔齊。十有二月乙丑，季孫行父及晉

郤犇盟于扈。公至自會。無傳。乙酉，刺公子

偃。

傳十六年春，楚子自武城使公子成以汝陰

之田求成于鄭。鄭叛，晉子駟從，楚子盟于武

城。

武城，楚地。在今南陽北。汝水出魯山縣至

潁州入淮。汝陰之田當在今汝州郟縣及

南陽府葉縣。

夏四月，滕文公卒。鄭子罕伐宋，宋將鉏樂懼

敗諸洧。陂退舍于夫渠，不做。鄭人覆之，敗

道光二年 武英殿刊刻

左傳讀本卷三

成公

九

諸洧陵獲將鉏樂懼宋恃勝也

滕宋之與國鄭因滕有喪而伐宋樂懼戴公六世孫將鉏其族也洧陂夫渠皆宋地不敵無備也洧陵宋地在

衛侯伐鄭至于鳴雁為去聲晉故也

鳴雁鄭地在今杞縣北四十里

晉侯將伐鄭范文子曰若逞吾願諸侯皆叛

晉可以逞若唯鄭叛晉國之憂可立俟也欒

武子曰不可以當吾世而失諸侯必伐鄭乃

與師欒書將中軍士燮佐之卻錡將上軍荀

道光二十一年武英殿刊刻左傳讀本卷三 成公 三

偃佐之韓厥將下軍卻至佐新軍荀營居守

卻犢如衛遂如齊皆乞師焉欒黶來乞師孟

獻子曰有勝矣戊寅晉師起鄭人聞有晉師

使告于楚姚句音鈎耳與音豫往楚子救鄭司馬

將中軍令尹將左右尹子辛將右過申子反

入見申叔時曰師其何如對曰德刑詳義禮

信戰之器也德以施惠刑以正邪詳以事神

義以建利禮以順時信以守物民生厚而德

正用利而事節時順而物成上下和睦周旋

不逆。求無不具。各知其極。故詩曰。立我烝民。莫匪爾極。是以神降之福。時無災害。民生敦厖。和同以聽。莫不盡力。以從上命。致死以補其闕。此戰之所由克也。今楚內弃其民。而外絕其好。去聲瀆齊盟。而食話言。奸干音時以動。而疲民以逞。民不知信。進退罪也。人恤所底。其誰致死。子其勉之。吾不復見子矣。姚句耳先歸。子駟問焉。對曰。其行速。過險而不整。速則失志。不整喪去聲列。志失列喪。將何以戰。楚懼不可用也。五月。晉師濟河。聞楚師將至。范文子欲反。曰。我僞逃楚。可以紓憂。夫合諸侯。非吾所能也。以遺去聲能者。我若羣臣輯睦以事君。多矣。武子曰。不可。六月。晉楚遇於鄢陵。范文子不欲戰。卻至曰。韓之戰。惠公不振旅。箕之役。先軫不反命。邲之師。荀伯不復從。皆晉之恥也。子亦見先君之事矣。今我辟同楚。又益恥也。文子曰。吾先君之亟去聲戰也。有故。秦狄齊楚皆彊。不盡力。子孫將弱。今三彊服矣。

道光十一年  
武英殿刊刻

左傳讀本卷三

成公

三

敵楚而已。唯聖人能內外無患。自非聖人。外  
寧必有內憂。蓋釋楚以爲外懼乎。甲午晦。楚  
晨壓晉軍而陳。去聲軍吏患之。范匄音蓋趨進曰。

塞井夷竈。陳於軍中而䟽行。音杭首。晉楚唯天

所授。何患焉。文子執戈逐之。曰。國之存亡。天

也。童子何知焉。欒書曰。楚師輕窳。固壘而待

之。三日必退。退而擊之。必獲勝焉。郤至曰。楚

有六閒。不可失也。其二卿相惡。去聲王卒以舊

鄭陳。去聲而不整。蠻軍而不陳。陳不違晦。在

陳而蹶。合而加蹶。各顧其後。莫有鬪心。舊不

必良。以犯天忌。我必克之。楚子登巢。一作轅車

以望晉軍。子重使犬去聲宰伯州犁侍于王後。

王曰。騁而左右。何也。曰。召軍吏也。皆聚於中

軍矣。曰。合謀也。張幕矣。曰。虔卜於先君也。徹

幕矣。曰。將發命也。甚蹶。且塵上矣。上聲曰。將塞

井夷竈而爲行。音杭也。皆乘矣。左右執兵而下

矣。曰。聽誓也。戰乎。曰。未可知也。乘而左右皆

下矣。曰。戰禱也。伯州犁以公卒告王。苗賁

音分

皇在晉侯之側。亦以王卒告。皆曰：國士在。且厚。不可當也。苗賁皇言於晉侯曰：楚之良。在其中軍。王族而已。請分良以擊其左右。而三軍萃於王卒。必大敗之。公筮之。史曰：吉。其卦遇復。☱☱。曰：南國蹇。射其元。王中。蹇音。厥目。國蹇。王傷。不敗何待。公從之。有淖音於前。乃皆左右相違於淖。步毅御晉厲公。欒鍼為右。彭名御楚共同。王。潘黨為右。石首御鄭成。唐苟為右。欒范以其族夾公行。音。杭陷於淖。欒書

道光二十一年 武英殿刊刻

左傳讀本卷三

成公

三

將載晉侯。鍼曰：書退。國有大任焉。音。得專之。

且侵官。冒也。失官。慢也。離音局。姦也。有三罪焉。不可犯也。乃掀切。言。公以出於淖。癸巳。潘

尅音之黨與。養由基。躄音甲而射之。徹七札

焉。以示王曰：君有二臣如此。何憂於戰。王怒

曰：大辱國。詰朝。爾射死藝。呂錡夢射月中。之

退入於泥。占之曰：姬姓。日也。異姓。月也。必楚

王也。射而中之。退入於泥。亦必死矣。及戰。射

共王中目。王召養由基。與之兩矢。使射呂錡。



中項伏弑他刀切以一矢復命。郤至三遇楚子

之卒。見楚子必下。免胄而趨風。楚子使工尹

襄問之以弓。曰：方事之殷也。有韎音妹韋之跗

注。君子也。識見不穀而趨。無乃傷乎。郤至見

客。免胄承命曰：君之外臣至從寡君之戎事。

以君之靈。閒蒙甲冑。不敢拜命。敢告不寧。君

命之辱。為去聲事之故。敢肅使去聲者。三肅使者

而退。晉韓厥從鄭伯。其御杜溷音混羅曰：速從

之。其御屢顧。不在馬。可及也。韓厥曰：不可以

道光二年 武英殿刊刻左傳讀本卷五

成公

五

再辱國君。乃止。郤至從鄭伯。其右蒯翰平胡聲

曰：諫音牒輅音迓之。余從之乘。而俘以下。郤至曰：

傷國君有刑。亦止。石首曰：衛懿公唯不去上聲

其旗。是以敗於熒。乃內同納旌於弑中。唐荀謂

石首曰：子在君側。敗者壹大。我不如子。子以

君免。我請止。乃死。楚師薄於險。叔山冉謂養

由基曰：雖君有命。為國故。子必射。乃射。再發

盡殪。叔山冉搏人以投。中車折軾。晉師乃止。

囚楚公子蔑。扶廢切欒鍼見子重之旌。請曰：楚

人謂夫

扶音

旌。子重之麾也。彼其子重也。曰。臣

之使

去聲

於楚也。子重問晉國之勇。臣對曰。好

以衆整。曰。又何如。臣對曰。好以暇。今兩國治

戎。行人不使。不可謂整。臨事而食言。不可謂

暇。請攝飲焉。公許之。使行人執榼

苦臘切

承飲

造

去聲

于子重。曰。寡君乏使。使鍼御持矛。是以

不得犒從

去聲

者。使某攝飲。子重曰。夫子嘗與

吾言於楚。必是故也。不亦識乎。受而飲之。免

使者而復鼓。旦而戰。見星未已。子反命軍吏

道光二年  
武英殿刊刻

左傳讀本卷三

成公

壹

察夷傷。補卒乘

去聲

繕甲兵。展車馬。雞鳴而食。

唯命是聽。晉人患之。苗賁皇徇曰。蒐乘補卒。

秣馬利兵。脩陳

去聲

固列。蓐食申禱。明日復戰。

乃逸。楚囚。王聞之。召子反謀。穀陽豎獻飲於

子反。子反醉而不能見。王曰。天敗楚也。夫。余

不可以待。乃宵遁。晉入楚軍。三日穀。范文子

立於戎馬之前。曰。君幼。諸臣不佞。何以及此。

君其戒之。周書曰。惟命不于常。有德之謂楚

師還。及瑕。王使謂子反曰。先大夫之覆師。徒

者君不枉子無以爲過不穀之罪也子反再拜稽首曰君賜臣死死且不朽臣之卒實奔臣之罪也子重使謂子反曰初隕師徒者而亦聞之矣蓋圖之對曰雖微先大夫有之大夫命側側敢不義側亡君師敢忘其死王使止之弗及而卒戰之日齊國佐高無咎至于師衛侯出于衛公出于壞隕徒回切宣伯通于穆姜欲去上聲季孟而取其室將行穆姜送公而使逐二子公以晉難去聲告曰請反而聽命

道光二年  
武英殿刊刻

左傳讀本卷三

成公

三六

姜怒公子偃公子鉏趨過指之曰女同不可

是皆君也公待於壞隕申宮傲備設守而後行是以後使孟獻子守于公宮秋會于沙隨謀伐鄭也宣伯使告卻犢曰魯侯待于壞隕以待勝者卻犢將新軍且爲公族大夫以主東諸侯取貨于宣伯而訴公于晉侯晉侯不見公

見公罪也子重對曰曰亦則有餘言而  
逞快也范文子蓋以厲公無道三卻驕淫欲使諸侯皆叛或能懼而脩德士變代荀庚佐中軍卻錡代士變將上軍荀偃代卻錡佐上軍荀偃以下軍佐居守時卻犢代

道光二年  
武英殿刊刻

左傳讀本卷上

成公

七

趙旃將新軍。新上下軍無帥。蓋已罷矣。句耳。鄭大夫與往。非使也。右尹子辛。公子壬夫也。生厚而德正者足財。則民不入于邪。用利而事節者有利。則事不失其序。時順而物成者。因時則物各底于成。各知其極。無二心也。詩周頌言先王立民。皆得其中。正。悉眾也。敦。厚也。雁。大也。補闕。謂補前時戰鬪死者之闕。內棄其民。德不施惠也。外絕其好義。不建利也。瀆。齊盟。詳不事神也。食話言信不守物也。奸。時以動。禮不順時也。疲。民以逞。刑不正。邪也。底。至也。鄆。陵。鄭地。在今鄆陵縣。韓。戰在僖三十年。先軫死于狄。邲師在宣十二年。荀伯敗于荆。見先君之事者。見先君成敗之事。亟。數也。三疆。齊秦狄。壓。晉而陳。乘其無備。范。甸。士。燮。子。塞。井。夷。竈者。楚。壓。晉軍。戰道已隘。取井竈之地。以陳師。䟽。行首。謂䟽其行列。以寬其地也。王

卒以舊言已罷老。不整。謂不整其列。不陳。謂不善為陳。晦。為陰盛之時。兵家所忌。驪。喧嘩也。喧嘩。則人各有顧慮。而志不在戰。巢。車。車上為櫓。如城之有樓櫓也。伯州犂。以前年奔楚。馳走也。虔。敬也。戰。禱。請于鬼神。賁。皇。楚鬪椒子。宣四年。若敖氏滅。奔晉。食邑于苗。在今濟源縣南十五里。復。卦。震下坤上。陽長之卦。陽氣起于南。行推陰。故曰南國。蹇。南國。蹇。則離受其咎。離為目。陽氣觸地出。為射之象。故曰射其元。王中。厥目。或曰。此夏商易之繇也。故其占與周易不同。淳。泥也。步。毅。即卻毅。樂。鉞。在君前。故名其父。侵。官。謂載公。梁。鉞。在君前。故遠其部曲。掀。舉也。潘。黨。潘。庭。之子。踰。聚也。徹。七。札者。一矢穿甲七重。呂。錡。錡也。姬。姓。尊。故。象。日。異。姓。甲。故。象。月。毀。弓。衣。韞。赤色。跗。注。戎服。若袴而屬于跗。與。袴。連。不。敢。拜。命。者。介。者。不。拜。肅。揖。也。間。蒙。甲。冑。者。謂

近與戎行。不能拜。而揖以謝寵命。明已不敢安也。謀輅之者。詐爲彼國之人。以精騎扼其前。從之乘而俘以下者。從車後登而執之。則鄭伯可得。熒戰在閔二年。鄭大夫唐苟謂石首在鄭君側。敗則大辱。故曰。敗者壹大。若苟則不然。可以止敵。即敗亦不辱國。因止死。傳言唐苟忠壯知大體。楚師薄險。迫于險地。不能退。賴叔山冉養由基以免。夫旌謂所見之旌。攝飲謂攝侍者。不亦譏乎。謂不忘前言。蓐食。早食。厚餐。必飽以聽命。穀陽。子反內豎。三日穀。食楚粟。三日也。書言天無常命。惟德是祐。瑕。楚地。在今襄城縣。先大夫覆師。徒者。君不在。謂君不在軍。則功過在將。今楚子自在軍。故自引爲罪。而子反亦引罪死。壞隕。魯地。公子偃。公子鉏。皆成公庶弟。是皆君。言此皆可爲君。沙隨。宋地。在今寧陵縣西六里。待勝者。言魯侯將待勝者而事之。東諸侯。齊魯

道光二年  
武英殿刊刻

左傳讀本卷五

成公

天

邾莒  
諸國

曹人請于晉曰。自我先君宣公即世。國人曰。若之何。憂猶未弭。而又討我寡君。以亡曹國。社稷之鎮。公子是大泯曹也。先君無乃有罪乎。若有罪。則君列諸會矣。君唯不遺德刑。以伯諸侯。豈獨遺諸敝邑。敢私布之。

弭息也。鎮公子。謂子臧也。諸侯有篡弑之罪。侯伯已與之會。則不復討。曹伯已從晉。侯盟于戚。故曹人以爲無罪。遺。失也。

七月。公會尹武公。及諸侯伐鄭。將行。姜又命

公如初。公又申守而行。諸侯之師次于鄭西。我師次于督揚。不敢過鄭。子叔聲伯使叔孫豹請逆于晉師。爲食于鄭郊。師逆以至。聲伯四日不食以待之。食去聲使去聲者而後食。

命公如初。復欲使逐季孟也。督揚。鄭地。叔孫豹。僑如弟。師逆以至者。必待逆師至而始食也。四日不食。言其忠于國事。使者。豹之介。

諸侯遷于制田。知去聲。武子佐下軍。以諸侯之師侵陳。至于鳴鹿。遂侵蔡。未反。諸侯遷于潁上。戊午。鄭子罕宵軍之。宋齊衛皆失軍。

道光二年

武英殿刊刻

左傳讀本卷三

成公

諸侯遷。謂師遷也。制田。鄭地。在今新鄭縣東北。武子。荀瑩。鳴鹿。陳地。在今鹿邑縣西十三里。失軍。將與軍相失。

曹人復請于晉。晉侯謂子臧反。吾歸而君。子臧反。曹伯歸。子臧盡致其邑與卿。而不出。

以曹人重子臧。故欲令子臧反而後歸其君。不出。謂不仕。

宣伯使告卻犢曰。魯之有季孟。猶晉之有欒范也。政令於是乎成。今其謀曰。晉政多門。不可從也。寧事齊楚。有亡而已。蔑從晉矣。若欲得志於魯。請止行。父而殺之。我斃蔑也。而事

晉蔑有貳矣。魯不貳。小國必睦。不然歸必叛矣。九月。晉人執季文子于莒丘。公還待于鄆。使子叔聲伯請季孫于晉。卻擘曰。苟去上聲仲孫蔑而止季孫行父。吾與子國親於公室。對曰。僞如之情。子必聞之矣。若去蔑與行父。是大弃魯國。而罪寡君也。若猶不弃。而惠微周公之福。使寡君得事晉君。則夫音扶二人者。魯國社稷之臣也。若朝亡之。魯必夕亡。以魯之密邇仇讎。亡而爲讎。治之何及。卻擘曰。吾爲

道光二年

左傳讀本卷三

成公

三

去聲

子請邑。對曰。嬰齊魯之常隸也。敢介大國

以求厚焉。承寡君之命以請。若得所請。吾子

之賜多矣。又何求。范文子謂欒武子曰。季孫

於魯。相去聲

二君矣。妾不衣去聲

帛。馬不食同粟。

可不謂忠乎。信讒慝而弃忠良。若諸侯何。子

叔嬰齊奉君命無私。謀國家不貳。圖其身不

忘其君。若虛其請。是弃善人也。子其圖之。乃

許魯平。赦季孫。冬十月。出叔孫僞如而盟之。

僞如奔齊。十二月。季孫及卻擘盟于扈。歸刺

公子偃召叔孫豹于齊而立之。夫曹自時人

多門。謂專政者多。不由君出也。蔑。無也。行父。季文子。蔑。孟獻子。時平公宮。莒。晉邑。

鄆。魯西邑。今鄆城縣。與城諸及鄆之鄆。在今沂水縣者別。親於公室者。親魯甚于晉。

公室也。僑如之情。謂其淫惡之情。仇讎。謂齊楚。隸。賤官。介。因也。奉君命無私者。不受。

卻。攀請邑。謀國家不貳者。四日不食。以急公。扈。鄭地。在今原武西北。偃與鉏俱為姜。

所指。而獨刺偃者。同謀故也。叔孫豹。聞魯人將討僑如。先已奔齊。至是召而立之也。

齊聲孟子通僑如使立于高國之間。僑如曰

不可以再罪。奔衛亦聞聲于卿。其公平立公

聲。孟子。齊靈公母。宋女也。立于高國之間。使其位比二卿。

道先一年左傳讀本卷三 成公 三

晉侯使卻至獻楚捷于周。與單襄公語。驟稱

其伐。單子語去聲諸大夫曰。溫季其亡乎。位於

七人之下。而求掩其上。怨之所聚。亂之本也。

多怨而階亂。何以在位。夏書曰。怨豈在明。不

見是圖。將慎其細也。今而明之。其可乎。

伐。功也。溫季。卻至。佐新軍。則位在八。故曰七人之下。掩。謂掩在上之功。書言怨惡之

來。當於未明不見時圖之。今卻至欲顯其功。則明以招怨矣。

經十有七年春。衛北宮括帥師侵鄭。夏公

會尹子單子。晉侯。齊侯。宋公。衛侯。曹伯。邾人。



伐鄭 六月乙酉同盟于柯陵 秋公至自

會無傳 齊高無咎出奔莒 九月辛丑用郊

無傳 晉侯使荀罃來乞師無傳 冬公會單子

晉侯宋公衛侯曹伯齊人邾人伐鄭 十有

一月公至自伐鄭無傳 壬申公孫嬰齊卒于

狸力之切 賑市珍切 十有二月丁巳朔日有食

之無傳 邾子貜俱縛切 且子餘切 卒無傳 晉殺其

大夫卻錡卻犖卻至 楚人滅舒庸

傳 十七年春王正月鄭子駟侵晉虛起居滑切

衛北宮括救晉侵鄭至于高氏夏五月鄭大

子髡頑侯孺乃侯切 為質音致 于楚楚公子成公

子寅戊鄭

虛滑晉二邑名虛在今偃師東南滑本滑國為秦所滅遂屬晉今偃師縣南二十里有滑國故城北宮括成公會孫高氏鄭地在今禹州侯孺鄭大夫

公會尹武公單襄公及諸侯伐鄭自戲平聲 童

至于曲洧

戲童在今汜水縣南四十里曲洧在今洧川縣

晉范文子反自鄆陵使其祝宗祈死曰君驕

道九二年 左傳讀本卷三 成公 三

侈而克敵。是天益其疾也。難去聲將作矣。愛我者。惟祝切之。又我使我速死。無及于難。范氏之

福也。六月。戊辰。士燮卒。

祝宗。主祭祀祈禱之官。厲公無道。故賢臣懼而求死。

乙酉。同盟于柯陵。尋戚之盟也。

柯陵。鄭地。戚盟在十五年。

楚子重救鄭。師于首止。諸侯還。

首止。鄭邑。在今寧陵縣。諸侯畏楚強。故還師。

齊慶克通于聲孟子。與婦人蒙衣乘輦。而入

道光二年。武英殿刊刻。左傳讀本卷五

成公

壹

于閔。鮑牽見之。以告國武子。武子召慶克而

謂之。慶克久不出。而告夫人曰。國子譎我。夫

人怒。國子相去聲。靈公以會。高鮑處守。及還將

至。閉門而索客。孟子訴之。曰。高鮑將不納君

而立公子角。國子知之。秋。七月。壬寅。則鮑牽

而逐高無咎。無咎奔莒。高弱以盧叛。齊人來

召鮑國而立之。初。鮑國去鮑氏而來。為施孝

叔臣。施氏卜宰。匡音劬須吉。施氏之宰。有百

室之邑。與匡音劬須邑。使為宰。以讓鮑國。而致

邑焉。施孝叔曰：子實吉。對曰：能與忠良，吉孰大焉。鮑國相施氏忠，故齊人取以爲鮑氏後。仲尼曰：鮑莊子之知，去聲不如葵。葵猶能衛其足。

慶克，慶封父。蒙衣婦人衣，人挽車曰輦。街門謂之闕。鮑牽，叔牙會孫。譎，譴責也。索，客。搜索姦人。公子角、頃公，子高弱，無咎。子盧，高氏采邑。在今長清西南二十五里。鮑國，牽弟。葵，傾葉向日，以庇其根。言鮑牽居亂國，不能避難。

冬，諸侯伐鄭。十月庚午，圍鄭。楚公子申救鄭師于汝上。十一月，諸侯還。

道光二年

左傳讀本卷三

成公

三

汝水，出汝州魯山縣，經伊陽裕州，襄城汝寧，至潁川南。注于淮。汝上，蓋鄭楚之界也。諸侯畏楚救，不成圍而還。

初，聲伯夢涉洹。

音桓

或與已瓊瑰。

古同切

食之，泣

而爲瓊瑰盈其懷，從而歌之曰：濟洹之水，贈我以瓊瑰，歸乎歸乎。瓊瑰盈吾懷，平懼不敢占也。還自鄭，壬申至于狸脈而占之，曰：余恐死，故不敢占也。今衆繁而從，余三年矣，無傷也。言之，之莫同暮而卒。

洹水，出林縣西北，林慮山中。東流經安陽臨漳，西南達成安縣界。至內黃入衛河。瓊

玉。瑰珠也。贈死之物。十二月丁巳朔。則十一月無壬申日。有誤。狸脈。魯地。在今曲阜西。衆繁。謂凶災散在衆人。不在已也。

齊侯使崔杼爲大夫。使慶克佐之。帥師圍盧。國佐從諸侯圍鄭。以難去聲請而歸。遂如盧師。

殺慶克。以穀叛。齊侯與之盟于徐關而復之。

十二月。盧降。平聲使國勝告難于晉。待命于清。

穀。齊地。在今東阿東二十六里。清。齊地。今堂邑東南有清城。國勝。佐子。使以高氏難告于晉。齊將討國佐。令其子待命于外。

晉厲公侈。多外嬖。反自鄆陵。欲盡去上聲羣大

道光二十一年。武英殿刊刻。左傳讀本卷三

成公

重

夫。而立其左右。胥童以胥克之廢也。怨卻氏。

而嬖於厲公。卻錡奪夷陽五田。五亦嬖於厲

公。卻犢與長魚矯爭田。執而梏古毒切之。與其

父母妻子同一轅。旣矯亦嬖於厲公。欒書怨

卻至。以其不從已而敗楚師也。欲廢之。使楚

公子筏告公曰。此戰也。卻至實召寡君。以東

師之未至也。與軍帥之不具也。曰。此必敗。吾

因奉孫周以事君。公告欒書。書曰。其有焉。不

然。豈其死之不恤。而受敵使去聲乎。君盍嘗使

去聲諸周而察之。郤至聘于周。欒書使孫周見

之。公使覘之。信遂怨郤至。厲公田。與婦人先

殺而飲酒。後使大夫殺郤至。奉豕。寺人孟張

奪之。郤至射而殺之。公曰。季子欺余。厲公將

作難。去聲胥童曰。必先三郤。族大多怨。去聲大

族不福。敵多怨有庸。公曰。然。郤氏聞之。郤錡

欲攻公。曰。雖死。君必危。郤至曰。人所以立信

知同勇也。信不叛君。知不害民。勇不作亂。失

茲三者。其誰與我。死而多怨。將安用之。君實

有臣而殺之。其謂君何。我之有罪。吾死後矣。

若殺不辜。將失其民。欲安得乎。待命而已。受

君之祿。是以聚黨。有黨而爭命。罪孰大焉。壬

午。胥童夷羊五帥甲八百。將攻郤氏。長魚矯

請無用衆。公使清沸。甫味切魋助之。抽戈結衽。

去聲而偽訟者。三郤將謀於榭。矯以戈殺駒伯。

苦成叔於其位。溫季曰。逃威也。遂趨。矯及諸

其車。以戈殺之。皆尸諸朝。胥童以甲劫欒書。

中行。音杭偃於朝。矯曰。不殺二子。憂必及君。公

道光二年  
武英殿刊刻

左傳讀本卷七

成公

美

曰一朝而尸三卿。余不忍益也。對曰：人將忍君。臣聞亂在外爲姦，在內爲軌。御姦以德，御軌以刑。不施而殺，不可謂德；臣偏而不討，不可謂刑。德刑不立，姦軌竝至。臣請行。遂出奔狄。公使辭於二子曰：寡人有討於郤氏，郤氏既伏其辜矣。大夫無辱，其復職位，皆再拜稽首曰：君討有罪而免臣於死，君之惠也。二臣雖死，敢忘君德。乃皆歸。公使胥童爲卿，公遊于匠麗。平聲氏，爨書中行，偃遂執公馬，召士匄、士匄、召韓厥、韓厥辭曰：昔吾畜於趙氏，孟姬之讒，吾能違兵。古人有言曰：殺老牛莫之敢尸。而況君乎？二三子不能事君，焉用厥也。

道光二年  
武英殿刊刻

左傳讀本卷三

成公

七

外嬖愛幸者。胥童、胥克子。宣八年，卻缺廢胥克。胥氏遂亡。夷羊五，長魚矯，皆嬖人。楷，械也。同一轅者，皆繫之車。轅，鄆陵之役，樂書欲固軍以待楚，卻至言楚有六間，故曰不從已而敗楚師。楚公子茂，鄆陵戰時所囚者。東師，東諸侯之師。齊魯衛也。軍帥不具，謂佐下軍及新軍皆未出。孫周，晉襄公會孫悼公也。受敵，謂獵獲。王制曰：諸侯殺則下，小綏，奉豕將進于公也。寺人，奄士。失其民，言不得安君位。清沸，雕亦嬖人。衽，裳際。榭，講武堂。楚語曰：榭不過講軍實焉。駒，伯

郤錡逃威也者言矯等不以君命來故欲逃其威尸謂陳其尸凡殺罪人必陳其尸以示衆大夫于朝士于市匠麗氏嬖大夫家大戴禮保傅篇作匠黎畜于趙氏者韓厥少爲趙盾所養八年晉以莊姬譖討趙氏厥亦不與黨而避其兵尸主也厥不親弑而辭妄認其時風之悖可知

舒庸人以楚師之敗也道同導吳人圍巢伐駕圍釐虺遂恃吳而不設備楚公子橐師襲舒庸滅之

舒庸與舒蓼舒鳩皆處今廬江舒城縣間巢駕釐虺楚四邑巢在今巢縣虺在今廬江縣駕釐虺皆在今無爲州

道光二年 武英殿刊刻 左傳讀本卷三 成公 長

閏月乙卯晦欒書中行偃殺胥童民不與郤氏胥童道同君爲亂故皆書曰晉殺其大夫

晉以郤氏失民胥童道亂以討告于諸侯

經十有八年春王正月晉殺其大夫胥童

庚申晉弑其君州蒲 齊殺其大夫國佐

公如晉 夏楚子鄭伯伐宋宋魚石復入于

彭城 公至自晉 晉侯使士匄來聘 秋

杞伯來朝 八月邾子來朝 築鹿囿 己

丑公薨于路寢 冬楚人鄭人侵宋 晉侯

使士魴來乞師 十有二月仲孫蔑會晉侯

宋公衛侯邾子齊崔杼同盟于虛起居打他切

切 丁未葬我君成公

傳十八年春王正月庚申晉欒書中行偃使

程滑弑厲公葬之于翼東門之外以車一乘

去聲使荀營士魴逆周子于京師而立之生十

四年矣大夫逆于清原周子曰孤始願不及

此雖及此豈非天平抑人之求君使出命也

立而不從將安用君二三子用我今日否亦

道光二十一年 武英殿刊刻 左傳讀本卷三 成公 五

今日共同而從君神之所福也對曰羣臣之

願也敢不唯命是聽庚午盟而入館于伯子

同氏辛巳服本作 辛未朝于武宮逐不臣者七人

周子有兄而無慧不能辨菽麥故不可立

葬于翼東門之外不入兆域也禮諸侯葬車如生時貳車之數當七乘今以一乘從

者不以禮葬也清原晉地在今絳州稷山縣東南伯子同氏晉大夫家武宮武公廟

不臣者夷羊五之屬菽大豆菽麥殊形而不能辨言其愚

齊為去聲慶氏之難去聲故甲申晦齊侯使士華

去聲免以戈殺國佐于內宮之朝師逃于夫人



之宮。書曰：齊殺其大夫國佐，弃命專殺，以穀叛故也。使清人殺國勝。國弱來奔。王湫子小切奔萊。慶封爲大夫。慶佐爲司寇。既齊侯反國

弱，使嗣國氏禮也。

華免。齊大夫。內宮。夫入宮。有朝。蓋召入與語而殺之也。先伏兵內宮。故有師。云師逃者。衆散而出。國佐死。以殺慶克。其殺慶克。自奔圍鄭之命。賊圍盧軍。佐又以穀叛。皆有可死之道。故傳正言之。弱勝之弟。王湫國佐黨。封佐。皆慶克子。國佐罪不及不祀。故傳以齊侯反國弱爲禮。

二月乙酉朔，晉悼公即位于朝，始命百官施

道光二年 武英殿刊刻 左傳讀本卷三

成公 聖

災患，禁淫慝，薄賦斂，宥罪戾，節器用，時用民

欲無犯時，使魏相去聲士魴、魏頡、趙武爲卿。荀

家荀會、欒黶、韓無忌爲公族大夫，使訓卿之

子弟，共同恭儉孝弟，使士渥濁爲犬去聲傅，使

脩范武子之法，右行音杭，辛爲司空，使脩士蔿

于委切之法，弁一作糾御戎，校正屬焉，使訓諸

御知義，荀賓爲右，司士屬焉，使訓勇力之士

時使，卿無共同供御，立軍尉以攝之，祁奚爲中

軍尉羊舌職佐之。魏絳爲司馬。張老爲候奄。鐸遏寇爲上軍尉。籍偃爲之司馬。使訓卒。乘聲親以聽命。程鄭爲乘馬御。六騶屬焉。使訓羣騶知禮。凡六官之長。上聲皆民譽也。舉不失職。官不易方。爵不踰德。師不陵正。旅不偪師。民無謗言。所以復霸也。

悼公非嗣子。不居喪。故朝廟五日而即位。已責止宿。逋振廢滯。起有德在下者。宥寬也。相魏錡子呂宣子也。魴士會子彘共子也。頡魏顛子令狐文子也。武趙朔子趙文子也。四人先世皆有功。故並舉之。無忌韓厥子。公族大夫。掌教卿之子弟者。渥濁士

道光二年

左傳讀本卷三

成公

聖

貞伯子。范武子爲景公大夫。傅管講求典籍以脩晉國之法。辛將右行。因以爲氏。文公時屠擊將右行。辛疑是其後。如荀林父將中行。其後遂爲中行氏也。士蔿爲獻公司空。弁糾欒糾也。校正。即周禮之校人。知義言戎士。當知節義。司士。即周禮之司右。勇力之士。皆司右之屬。如戎右道右等。訓之以共時之義。卿無共御者。謂卿不設戎御。使軍尉攝其事。魏絳。魏犇子。偃籍。談父。親以聽命者。相親以聽上命。程鄭。荀氏別族。乘馬御乘車之僕也。六騶。六閑之騶。乘車向禮容。故訓羣騶以禮。六官。六卿也。舉六官以概其餘。不易方者。守其業而不踰。正軍將旅。師旅。上下有禮。則不相陵逼。

公如晉朝嗣君也。

夏六月。鄭伯侵宋。及曹門外。遂會楚子伐宋。

取朝邾。夾音楚子辛。鄭皇辰。侵城郕。取幽丘。同

伐彭城。納宋魚石。向為人鱗。朱向帶魚。府焉。

以三百乘去聲戍之。而還。書曰。復入。凡去其國。

國逆而立之。曰入。復其位。曰復歸。諸侯納之。

曰歸。以惡。曰復入。宋人患之。西鉏吾曰。何也。

若楚人與吾同惡。去聲以德於我。吾固事之也。

不敢貳矣。大國無厭。平聲鄙我猶憾。不然而收

吾憎。使贊其政。以間。諫音吾釁。亦吾患也。今將

崇諸侯之姦。而披其地。以塞夷庚。逞姦而攜

服。毒諸侯而懼吳晉。吾庸多矣。非吾憂也。且

事晉何為。晉必恤之。

道光二年 武英殿刊刻 左傳讀本卷三 成公 聖

曹門。宋城門也。朝邾。城郕。幽邱。彭城。皆宋地。朝邾。在今夏邑縣。城郕。幽邱。在今蕭縣。

彭城。在今銅山。魚石等五人。以十五年奔楚。獨書魚石者。著首惡也。惡。其恃大國兵

威。故書曰。復入。傳因通言歸國之例。國逆國人逆之。復其位。使復其舊職也。諸侯納

之。諸侯請而歸之也。西鉏吾。宋大夫。鄙我猶憾者。以我為鄙邑。而猶恨不足也。收吾

憎。分以贊政。謂用魚石等以佐其政。崇。長也。披。分也。夷庚。車馬往來之大道。彭城。為吳

晉往來之要道。故曰懼吳晉。

公至自晉。晉范宣子來聘。且拜朝也。君子謂

晉於是乎有禮。

拜朝。謝公朝。有禮。謂有卑讓之禮。

秋。杞桓公來朝。勞去聲公。且問晉故。公以晉君

語去聲之。杞伯於是驟朝于晉。而請為昏。

語。語其德政。晉悼夫人杞女。

七月。宋老佐。華喜圍彭城。老佐卒焉。

言所以不克彭城。

八月。邾宣公來朝。即位而來見音現也。

築鹿囿。書不時也。

道光二年。武英殿刊刻。左傳讀本卷三。成公。

築牆為鹿囿。八月農功未畢。故曰不時。

己丑。公薨于路寢。言道也。

薨于路寢。得君之道。

冬。十一月。楚子重救彭城。伐宋。宋華元如晉

告急。韓獻子為政。曰。欲求得人。必先勤之。成

霸安彊。自宋始矣。晉侯師于台谷。以救宋。遇

楚師於靡角之谷。楚師還。

時彙書卒。韓厥代將中軍。台谷。地闕。靡角之谷。宋地。楚畏晉強。故同師。

晉士魴來乞師。季文子問師數於臧武仲。對

曰。伐鄭之役。知去聲伯實來。下軍之佐也。今彘季亦佐下軍。如伐鄭可也。事大國。無失班爵。而加敬焉。禮也。從之。

武仲。宣叔之子。知伯荀罃。彘季。士魴。伐鄭在十七年。

十二月。孟獻子會于虛。起居切杙。他丁切謀救宋

也。宋人辭諸侯。而請師以圍彭城。孟獻子請

于諸侯。而先歸會葬。

虛杙。宋地。在今泗水縣。

丁未。葬我君成公。書順也。

道光二十一年。武英殿刊刻。左傳讀本卷三。成公。

國安。適子承嗣。五月而葬。故曰順。

罍

欽定春秋左傳讀本卷十三

欽定春秋左傳讀本卷十四

襄公

名午。成公子。母定姒。諡法。辟土有德曰襄。

經元年春王正月公即位

無傳

仲孫蔑會晉

欒黶

音

宋華元衛甯殖曹人莒人邾人滕人

薛人圍宋彭城

夏晉韓厥帥師伐鄭

仲

孫蔑會齊崔杼曹人邾人杞人次于鄆

音增

秋楚公子壬夫帥師侵宋

九月辛酉天王

崩

無傳

邾子來朝

冬衛侯使公孫剽

匹妙切

來聘

晉侯使荀罃

音罃來聘

道光二十一年  
武英殿升刻

左傳讀本卷十四

襄公

一

傳元年春己亥圍宋彭城非宋地追書也於

是爲

去聲

宋討魚石故稱宋且不登叛人也謂

之宋志彭城降

平聲

晉人以宋五大夫在彭

城者歸寘諸瓠丘齊人不會彭城晉人以爲

討二月齊大子光爲質

音致

於晉

成十八年。楚取彭城。以納魚石等。則彭城已非宋地。春秋不與魚石等。專邑叛君。又不與楚得取邑封人。故使彭城還繫之宋也。彭城降不書。賤而畧之。瓠丘晉地。今垣

曲東南。五大夫。魚石。向爲人鱗。朱。尚帶魚府。光。齊靈公大子也。

夏五月晉韓厥荀偃帥諸侯之師伐鄭入其

郟。敗其徒兵於洧上。於是東諸侯之師次于郟。以待晉師。晉師自郟以郟之師侵楚。焦夷及陳。晉侯衛侯次于戚。以爲之援。

荀偃不書。非主將。徒兵。步卒也。洧水。出今開封府密縣馬嶺山。又東過新鄭縣。郟水。西北來會之。即晉敗鄭徒兵處。東諸侯。齊魯曹莒杞也。郟。鄭地。在今睢州東南。援。爲韓厥也。

秋。楚子辛救鄭。侵宋。呂留。鄭子然侵宋。取犬丘。

呂留。宋二邑。皆在今徐州北。犬邱。宋邑。在今永城縣西北三十里。此地遠于鄭而近。道光二年。武英殿刊刻。左傳讀本卷四。襄公。二。

九月。邾子來朝。禮也。  
邾子。宣公。因公即位而來。得以小事大之禮。

冬。衛子叔。晉知武子來聘。禮也。凡諸侯即位。小國朝之。大國聘焉。以繼好。去聲。結信。謀事補。

闕。禮之大者也。  
闕。過也。安國。利。民。爲禮之大。

經。二年春。王正月。葬簡王。無傳。鄭師伐宋。

夏五月。庚寅。夫人姜氏薨。六月。庚辰。鄭伯。

踰古國切卒 晉師宋師衛甯殖侵鄭 秋七

月仲孫蔑會晉荀罃宋華元衛孫林父曹人

邾人于戚 己丑葬我小君齊姜 叔孫豹

如宋 冬仲孫蔑會晉荀罃齊崔杼宋華元

衛孫林父曹人邾人滕人薛人小邾人于戚

遂城虎牢 楚殺其大夫公子申

傳二年春鄭師侵宋楚令也

楚為彭城之役故

齊侯伐萊萊人使正輿或作輿子賂夙沙衛以

索馬牛皆百匹齊師乃還君子是以知齊靈

公之為靈也

正輿子萊大夫夙沙衛齊寺人索簡擇也諡法亂而不損曰靈言行稱其諡

夏齊姜薨初穆姜使擇美櫬音賈以自為櫬初

與頌琴季文子取以葬君子曰非禮也禮

無所逆婦養去聲姑者也虧姑以成婦逆莫大

焉詩曰其惟哲人告之話言順德之行季孫

於是為不哲矣且姜氏君之妣也詩曰為酒

為醴烝畀祖妣以洽百禮降福孔偕音皆

道光十一年 武英殿刊刻 左傳讀本卷四 襄公 三



楸小葉曰櫝。梓屬也。故中櫝材與琴瑟。頌琴。琴名。猶風琴雅琴。穆姜爲成公母。齊姜爲成公妻。姑婦也。話言。善言也。見智者而告以善言。則無不順于德。烝。進也。畀。與也。借。徧也。言敬事祖妣。則神降之。福。刺季孫不能以禮葬姜氏。

齊侯使諸姜宗婦來送葬。召萊子。萊子不會。

故晏弱城東陽以偪之。

宗婦。同姓大夫妻。婦人越疆而弔。非禮也。東陽。齊境上邑。在臨胸東。萊。在今黃縣東南二十里。于東陽爲近。故城以偪之。

鄭成公疾。子駟請息肩於晉。公曰。楚君以鄭

故。親集矢於其目。非異人任。寡人也。若背之。

道光二年  
武英殿刊刻

左傳讀本卷五

襄公

四

是弃力與言。其誰暱我。免寡人。唯二三子。秋

七月。庚辰。鄭伯踰

古困切

卒。於是子罕當國。子

駟爲政。子國爲司馬。晉師侵鄭。諸大夫欲從

晉。子駟曰。官命未改。會于戚。謀鄭故也。孟獻

子曰。請城虎牢。以偪鄭。知

去聲

武子曰。善。鄆之

會。吾子聞崔子之言。今不來矣。滕。薛。小邾。之

不至。皆齊故也。寡君之憂。不唯鄭。螢。將復於

寡君。而請於齊。得請而告。吾子之功也。若不

得請。事將在齊。吾子之請。諸侯之福也。豈惟

寡君賴之。

息肩于晉。欲辟楚役也。公言鄢陵之戰。楚子任申目之患。由寡人焉。可肯之。曠親也。當國攝君事。官命未改。言嗣君未親政。虎牢。鄭舊邑。時已屬晉。在今汜水縣西。崔子之言。元年次于郟。崔將有不服之言。獻子曾告知武子。滕薛小邾皆屬齊。今皆不至。請于齊。謂以城事白晉君。而請齊會之。得請。謂齊人聽命。事將在齊者。言將伐齊也。城虎牢。足以服鄭而罷諸侯之兵。故曰諸侯之福。

申 穆叔聘于宋。通嗣君也。

冬。復會于咸。齊崔武子及滕薛小邾之大夫

皆會。知武子之言故也。遂城虎牢。鄭人乃成。

道光二十一年

武英殿刊刻

左傳讀本卷五

襄公

五

前知武子言將有事于齊。故齊懼而帥小國來會。

楚公子申為右司馬。多受小國之賂。以偪子

重子辛。楚人殺之。故書曰楚殺其大夫公子

申。

偪。謂奪其權。言所以致國討。

經 三年春。楚公子嬰齊帥師伐吳。公如晉。

夏四月壬戌。公及晉侯盟于長檣。公

至自晉。傳無。六月公會單子。晉侯宋公衛侯。

鄭伯莒子邾子齊世子光。己未同盟于雞澤。

陳侯使袁僑如會戊寅叔孫豹及諸侯之大夫及陳素僑盟。荀營帥師伐許。秋公至自會。冬晉

荀營帥師伐許。

孟釐子

公至自會。

無傳

冬晉

傳三年春。楚子重伐吳。為簡之師。克鳩茲。至

于衡山。使鄧廖

力雕切

帥組甲三百。被練三千。

以侵吳。吳人要而擊之。獲鄧廖。其能免者。組

甲八十。被練三百而已。子重歸。既飲。至三日。

吳人伐楚。取駕。駕。良邑也。鄧廖亦楚之良也。

君子謂子重於是役也。所獲不如所亡。楚人

道光二十一年

武英殿刊刻

左傳讀本卷古

襄公

六

以是咎子重。子重病之。遂遇心疾而卒。

簡。避練也。鳩茲。吳地。在今蕪湖縣東三十里。今當塗縣東北六十里。永保鄉有橫山。

橫。衡古字通。鄧廖。楚大夫。組甲。以組綴甲。車士服之。被練。以帛綴甲。步卒服之。駕。楚邑。在今無為州。

心疾。憂志成疾。

公如晉。始朝也。

公即位而朝。伯國時。公年六歲。

夏。盟于長檣。

音樗

孟獻子相。

去聲

公稽首。知武子

曰。天子在。而君辱稽首。寡君懼矣。孟獻子曰。以敝邑介在東表。密邇仇讎。寡君將君是望。

敢不稽首。

長檮。蓋近晉都。相。相禮也。稽首。頭至地。事天子之禮。故晉人辭之。介。攝也。仇讎。齊楚也。

晉為去聲鄭服故且欲脩吳好。去聲將合諸侯使

士音蓋告于齊曰寡君使音蓋以歲之不易不

虞之戒寡君願與一二兄弟相見以謀不

協請君臨之使音蓋乞盟齊侯欲勿許而難為

不協乃盟於郟音外

鄭服在前年不易多難也。虞度也。戒備也。古者列國相稱為兄弟。郟水名。即時水。出

道光二十一年武英殿刊刻

左傳讀本卷四

襄公

七

青州府臨淄縣西南二十五里。伏淄所發。經博興縣南與小清河會。至樂安縣從馬

車瀆入海。

祁奚請老晉侯問嗣焉稱解狐其讎也將

立之而卒又問焉對曰午也可於是羊舌職

死矣晉侯曰孰可以代之對曰赤也可於是

使祁午為中軍尉羊舌赤佐之君子謂祁奚

於是能舉善矣稱其讎不為諂立其子不為

比去聲舉其偏不為黨商書曰無偏無黨王道

蕩蕩其祁奚之謂矣解狐得舉祁午得位伯

華得官。建一官而三物成。能舉善也。夫唯善故能舉其類。詩云。惟其有之。是以似之。祁奚有焉。

老致仕也。嗣繼其職者。午祁奚子。赤羊舌職子。伯華也。祁午羊舌赤各代其父之職。諸媚也。偏屬也。商書。洪範。蕩蕩。平正也。一官。謂軍尉物事也。詩言。惟有德者能舉其同類之賢。

六月公會單頃公及諸侯。己未同盟于雞

澤。晉侯使荀會逆吳子于淮上。吳子不至。

雞澤。在今永年縣。頃公。王卿士。吳子。以道遠多難。故不至。

道。光二年。左傳讀本卷四。襄公。八。

楚子辛為令尹。侵欲於小國。陳成公使袁僑

如會。求成。晉侯使和組父告于諸侯。秋。叔孫

豹及諸侯之大夫。及陳袁僑盟。陳請服也。

陳患楚侵欲。故求成于晉。袁僑。膏塗四世孫。告于諸侯。告陳服也。陳使大夫來。故亦使大夫與之盟。明匹敵之義。

晉侯之弟揚干。亂行。於曲梁。魏絳戮其僕。

晉侯怒。謂羊舌赤曰。合諸侯以為榮也。揚干

為戮。何辱如之。必殺魏絳。無失也。對曰。絳無

貳志。事君不辟難。有罪不逃刑。其將來辭。何

辱命焉。言終。魏絳至。授僕人書。將伏劔。士魴  
張老止之。公讀其書曰。日君乏使。使臣斯司  
馬。臣聞師衆以順爲武。軍事有死無犯。爲敬  
君合諸侯。臣敢不敬。君師不武。執事不敬。罪  
莫大焉。臣懼其死。以及揚干。無所逃罪。不能  
致訓。至於用鉞。臣之罪重。敢有不從。以怒君  
心。請歸死於司寇。公跣音而出。曰。寡人之言。  
親愛也。吾子之討。軍禮也。寡人有弟。弗能教  
訓。使干大命。寡人之過也。子無重去寡人之  
過。敢以爲請。晉侯以魏絳爲能以刑佐民矣。  
反役與之禮食。音嗣使佐新軍。張老爲中軍司  
馬。士富爲候奄。

道光二年

武英殿刊刻

左傳讀本卷四

襄公

九

曲梁即永年縣之雞澤。行軍中陳次也。僕御也。其將來辭。言將陳其辭狀。僕人。晉侯之僕御。斯司馬。言爲此司馬。用鉞。謂斬揚干。僕不履而行。曰跣。古者脫履于戶外。出則履之。晉侯急見魏絳。故未及履而出也。請謂請其無死。反役。反自曲梁之役。禮食。公食大夫禮。張老代魏絳爲中軍司馬。士富代張老爲候奄。

楚司馬公子何忌侵陳。陳叛故也。

許靈公事楚。不會于雞澤。冬。晉知武子帥師

伐許。

經四年春王三月己酉陳侯午卒。夏叔孫

豹如晉。秋七月戊子夫人妣氏薨。葬陳

成公。無傳八月辛亥葬我小君定妣。無傳冬

公如晉。陳人圍頓。

傳四年春。楚師為去聲陳叛故。猶在繁陽。韓獻

子患之。言於朝曰。文王帥殷之叛國以事紂。

唯知時也。今我易之。難哉。三月。陳成公卒。楚

人將伐陳。聞喪乃止。陳人不聽命。臧武仲聞

道光二年 武英殿刊刻左傳讀本卷四

之曰。陳不服於楚。必亡。大國行禮焉而不服。

在大猶有咎。而況小乎。夏。楚彭名侵陳。陳無

禮故也。

楚師。前年秋。公子何忌所帥者。今猶未還。繁陽。楚地。在今新蔡北。知時。謂時未可爭。

今我易之。謂改文王而違時。言晉力未能服楚。受陳非其時也。聞喪乃止者。軍禮不

伐喪。故下云。大國行禮。

穆叔如晉。報知去聲武子之聘也。晉侯享之。金

奏肆夏之三。不拜。工歌文王之三。又不拜。歌

鹿鳴之三。三拜。韓獻子使行人子貢問之曰。

子以君命辱於敝邑。先君之禮，藉之以樂。以辱吾子。吾子舍捨音其大而重拜其細。敢問何

禮也。對曰：三夏。天子所以享元侯也。使臣弗

敢與預音聞。文王兩君相見之樂也。臣不敢及。

鹿鳴。君所以嘉寡君也。敢不拜嘉。四牡。君所

以勞去聲使臣也。敢不重拜。皇皇者華。君教使

臣曰：必諮於周。臣聞之。訪問於善為咨。咨親

為詢。咨禮為度。音咨事為諏。子須切咨難去聲為

謀。臣獲五善，敢不重拜。

道光二年 武英殿刊刻左傳讀本卷四

襄公

十一

知武子來聘。在元年。肆夏之三。肆夏。詔夏。納夏也。金奏。擊鐘而奏樂。工樂人也。文王

之三。大雅之首。鹿鳴。四牡。皇皇者華也。行人。小雅之首。鹿鳴。四牡。皇皇者華也。行人。拿

賓客之官。藉薦也。元侯。八州之伯。及與也。嘉寡君者。嘉叔孫。即所以嘉魯君。四牡詩

言四牡駢駢。所以勞行役。故曰勞使臣。皇補所不及。故曰教使臣。咨親。問親。故咨

禮。問禮宜咨事。問政事咨難。問患難。

秋。定妣。薨。不殯于廟。無襯。不虞。匠慶謂季文

子曰：子為正卿。而小君之喪不成。不終君也。

君長。上聲誰受其咎。初季孫為去聲己樹六檀於

蒲圃東門之外。匠慶請木。季孫曰：略。匠慶用



蒲圃之櫝。季孫不御。同。君子曰。志所謂多行

無禮。必自及也。其是之謂乎。

定姒。公母也。櫝。親身之棺。虞。反哭之祭。季孫以定姒賤。故不備禮。匠慶。魯大匠。不以夫人之禮葬。是慢其母。則不能終事其君。故曰不終君。蒲圃。場名。季孫樹櫝。將自為櫝。略不以道取也。御。止也。

冬。公如晉聽政。晉侯享公。公請屬郟。晉侯不

許。孟獻子曰。以寡君之密邇於仇讎。而願固

事君。無失官命。郟無賦於司馬。為執事朝夕

之命。敝邑。敝邑褊小。闕而為罪。寡君是以願

道光二年 武英殿刊 左傳讀本卷十四 襄公 十一

借助焉。晉侯許之。

聽政。聽受貢賦多少之政。郟。姒姓小國。今澤縣東。八十里。有郟城。屬。欲以屬魯。使助出貢賦。官命。晉官徵發之命。晉于諸侯之賦。使司馬掌之。故曰無賦于司馬。闕。不共也。借助。借郟以自助也。

楚人使頓。間去聲。陳而侵伐之。故陳人圍頓。

間。伺其隙。頓。姬姓。國。在今商水縣。

無終子嘉父。音甫。使孟樂如晉。因魏莊子納虎

豹之皮。以請和。諸戎。晉侯曰。戎狄無親而貪。

不如伐之。魏絳曰。諸侯新服。陳新來和。將觀

於我。我德則睦。否則攜貳。勞師於戎。而楚伐陳。必弗能救。是弃陳也。諸華必叛。戎禽獸也。

獲戎失華。無乃不可乎。夏訓有之曰。有窮后

羿。音請公曰。后羿何如。對曰。昔有夏之方衰也。

后羿自鉏。仕居切遷于窮石。因夏民以代夏政。

恃其射也。不脩民事。而淫于原獸。弃武羅。伯

因熊髡。苦門切龍莫邦切圍而用寒浞。仕角切寒浞

伯明氏之讒子弟也。伯明后寒弃之。夷羿收

之。信而使之。以為己相。去聲浞行媚于內。而施

賂于外。愚弄其民。而虞羿于田。樹之詐慝。以

取其國家。外內咸服。羿猶不悛。音詮將歸自田。

家衆殺而亨之。同烹以食其子。其子不忍食

諸。死于窮門。靡奔有鬲。音革氏。浞因羿室。生澆

五甲切及豷。音殪恃其讒慝。詐偽而不德于民。使

澆用師。滅斟灌及斟尋氏。處澆于過。平聲處豷

于戈。靡自有鬲氏。收二國之燼。才忍切以滅浞

而立少康。少康滅澆于過。直呂切滅豷于

戈。有窮由是遂亡。失人故也。昔周辛甲之為

道光二年 武英殿刊刻左傳讀本卷四 襄公 三

犬音泰史也。命百官。官箴王闕。於虞人之箴曰。

芒芒禹迹。畫為九州。經啓九道。民有寢廟。獸

有茂草。各有攸處。德用不擾。在帝夷羿。冒于

原獸。忘其國恤。而思其麇音悠。武不可重。去聲

用不恠于夏家。獸臣司原。敢告僕夫。虞箴如

是。可不懲乎。於是晉侯好去聲田。故魏絳及之。

公曰。然則莫如和戎乎。對曰。和戎有五利焉。

戎狄荐在薦切。居貴貨易音異。土土可賈音古。馬一

也。邊鄙不聳。民狎其野。稽人成功。二也。戎狄

事晉。四鄰振動。諸侯威懷。三也。以德綏戎。師

徒不勤。甲兵不頓。四也。鑿于后羿。而用德度。

遠至邇安。五也。君其圖之。公說。同悅。使魏絳盟

諸戎。脩民事。田以時。

道光二年 武英殿刊刻 左傳讀本卷四 襄公 十四

諸戎脩民事田以時

無終山戎國今玉田縣西有古無終城嘉父其君名孟樂其使臣莊子魏絳也夏訓謂夏書有窮國名在今英山縣其國門謂之窮門后羿夷氏有窮之君善射者夏之方衰謂犬廉之世鉏在今滑縣即宋城鉏地羿代夏而自立當仲廉卒子相立之時淫放也武羅等四子皆羿之賢臣寒國君今淮縣西南三十里有寒故城伯明寒君名靡夏舊臣有禹氏國名在今德平縣東北一里因羿室謂就其妃妾樹權國在今

壽光縣東北四十里。斟尋國。在今濰縣西  
南五十里。二國皆夏同姓諸侯。過。戈。二國  
名。今萊州府治北有過鄉。戈在宋鄭之間。  
哀十二年傳曰。宋鄭之間有隙地焉。曰岳  
戈錫是也。盧餘民也。猶燒薪之餘。少康夏  
后相之子。后杼少康子。浞因羿號曰有窮。  
故至此始亡。辛甲周武王犬史闕過也。虞  
人掌田獵之官。九道九州之道。荐居謂聚  
居。眷懼也。

冬十月邾人莒人伐郕。臧紇恨發救郕。侵邾。

敗於狐駘。台音國人逆喪者皆髡。側瓜切魯於是

乎始髡。國人誦之曰。臧之狐裘。敗我於狐駘。

我君小子。朱或作朱儒是使。朱儒朱儒。使我敗

道光二年 武英殿刊刻 左傳讀本卷五 襄公 五

於邾。

臧紇。武仲也。狐駘。邾地。今滕縣有狐駘山。  
髡。以泉麻與髮相半結之。喪多不能具。凶  
服。僅髡而已。公幼。故曰小子。臧紇短小。故  
以爲朱儒。狐駘之敗。不書。時公在晉。出師  
命。非公。

經五年春公至自晉。夏鄭伯使公子發來

聘。叔孫豹鄆世子巫如晉。仲孫蔑衛孫

林父音甫會吳于善道。秋大雩。楚殺其大

夫公子壬夫。公會晉侯宋公陳侯衛侯鄭

伯曹伯莒子邾子滕子薛伯齊世子光吳人

鄆人于戚傳無公至自會冬戍陳楚公

子貞帥師伐陳公會晉侯宋公衛侯鄭伯曹

伯齊世子光救陳十有二月公至自救陳

無辛未季孫行父甫卒

傳五年春公至自晉魯大夫出

公如晉得屬鄆前年邾莒伐鄆臧紇出救明公不在國

王使王叔陳生愬戎于晉晉人執之士魴如

京師言王叔之貳於戎也

王叔周卿士戎侵陵周室故愬之于晉晉以王叔有貳心于戎失奉使之義故執之

道光二年武英殿刊刻左傳讀本卷四襄公六

而使告于周

夏鄭子國來聘通嗣君也

子國穆公子名發子產父也鄭僖公初即位使卿聘于諸侯

穆叔覲鄆犬去聲子于晉以成屬鄆書曰叔孫

豹鄆犬子巫如晉言比諸魯大夫也

覲見也既屬鄆故見其犬于晉以成之巫受命于魯與豹同往故經不書及比巫

于魯大夫

吳子使壽越如晉辭不會于雞澤之故且請

聽諸侯之好去聲晉人將為之合諸侯使魯

衛先會吳。且告會期。故孟獻子孫文子會吳于善道。

雞澤。會在三年。吳不至。今來謝。晉使魯衛先與會。告以諸侯之期。善道。吳地。在今盱

縣。

秋大雩。旱也。

雩。祭以夏祈雨。秋旱亦得脩其禮。凡經書非時之雩。傳必釋之曰旱也。

楚人討陳叛故。曰。由令尹子辛。實侵欲焉。乃

殺之。書曰。楚殺其大夫公子壬夫。貪也。君子

謂楚共恭王於是不刑。詩曰。周道挺挺。他頂切。

道。光二年。武英殿刊刻。

左傳讀本卷四

襄公

七

我心扁扁。工迴切。講事不令。集人來定。已則無

信。而殺人以逞。不亦難乎。夏書曰。成允成功。

討治也。陳叛。因子辛侵欲。傳言共王不素明教令。又不能早察之。失用刑之道。詩逸

詩。挺挺。正直也。扁扁。明察也。講謀也。謀事不善。當集賢人以定之。已則無信者。謂助

宋魚石背盟。弃好。敗于鄆陵。殺人以逞者。謂殺子反。公子申。及壬夫也。書言信成。而

後有功。允。信也。

九月丙午。盟于戚。會吳。且命戍陳也。穆叔以

屬鄆為不利。使鄆大夫聽命于會。

公及其會。而不書盟。蓋不以盟告廟。鄆近魯。故欲屬之。以助貢賦。莒伐而魯不能救。

恐大國討。仍乞還之。故戚會復列郟人。

楚子囊爲令尹。范宣子曰。我喪去聲陳矣。楚人討貳。而立子囊。必改行。去聲而疾討陳。陳近於楚。民朝夕急。能無往乎。有陳非吾事也。無之而後可。冬。諸侯伐陳。子囊伐陳。十一月。甲午。會于城棣以救之。

子囊。公子貞。改行。改子辛所行。疾。急也。陳。備楚也。城棣。鄭地。今陽武縣北有古棣城。

季文子卒。大夫入斂。去聲公在位。宰庀匹婢切家

道光二年 武英殿刊刻 左傳讀本卷四 襄公 六

器爲葬備。無衣。去聲帛之妾。無食粟之馬。無藏

金玉。無重平去器備。君子是以知季文子之

忠於公室也。相去聲三君矣。而無私積。去聲可不

謂忠乎。

公位。阼階。西向。庀。具也。器。珍寶。備。甲兵。

經六年春王三月壬午杞伯姑容卒。夏宋

華弱來奔。秋葬杞桓公。無傳滕子來朝。

莒人滅鄆。冬叔孫豹如邾。季孫宿如晉

十有二月齊侯滅萊

傳六年春。杞桓公卒。始赴以名。同盟故也。

杞入春秋來。未嘗書名。桓公與成公三同盟。始赴以名而書之。

宋華弱與樂轡少相狎。長上聲相優。又相謗也。

子蕩怒。以弓楛音鶻華弱于朝。平公見之曰。司

武而楛于朝。難以勝矣。遂逐之。夏。宋華弱來

奔。司城子罕曰。同罪異罰。非刑也。專戮於朝。

罪孰大焉。亦逐子蕩。子蕩射子罕之門曰。幾

上聲曰而不我從。子罕善之如初。

狎習也。優戲也。子蕩即樂轡。以張弓貫其頸。若手之有械然。華弱為司馬。故曰司武。

道光二年左傳讀本卷四 襄公 九

見楛言其懦不足勝任也。幾日而不我從言數日亦當見逐。子罕不記射門之怨。善之如初。為之。

蓋失掩罪。

秋。滕成公來朝。始朝公也。

公即位後。始來朝。

莒人滅鄆。鄆恃賂也。

鄆助魯出貢賦。遂恃魯而不設備。故莒滅之。

冬。穆叔如邾聘。且脩平。

平四年。狐駘之怨。

晉人以鄆故來討。曰。何故亡鄆。季武子如晉。



見且聽命。

現音魯人既請屬鄆。又弗能庇。以至覆滅。故晉人來討。季武子行父之子。季孫宿也。初嗣為鄆。故往見大國。謝亡鄆而聽命請罪。

十一月齊侯滅萊。萊恃謀也。於鄭子國之來

聘也。四月。晏弱城東陽而遂圍萊。甲寅。堙

之。環如字又音患城。傅於堞。及杞桓公卒之月。乙

未。王湫子小帥師及正輿子棠。人軍齊師。齊

師大敗之。丁未。入萊。萊共同公浮柔奔棠。正

輿子王湫奔莒。莒人殺之。四月。陳無宇獻萊

宗器于襄宮。晏弱圍棠。十一月丙辰而滅之。

遷萊于郕。高厚崔杼定其田。

恃謀。恃賂。夙沙衛之謀也。事在二年。鄭子國來聘。在五年。埋築土稍高而前。以附其城。又環城設渠。衝以附女牆。皆攻也。杞桓公卒之月。此年三月。王湫本齊人。于成十八年奔萊。正輿子萊大夫棠。萊邑。今即墨縣南。八十里有棠鄉。無宇。桓子。陳完元孫。襄宮。襄公廟。郕。即小郕。國都在今滕縣東六里。高厚。高固子。定其田。謂正其疆界。

經七年春。鄭子來朝。夏四月。三十。郊。不從

乃免牲。小邾子來朝。城費。

宿如衛。八月。螽。冬十月。衛侯使孫林

音秋。季孫

音宿如衛

音傳

音冬十月

音孫林

道光二年 武英殿刊刻 左傳讀本卷四 襄公 三

父音甫來聘壬戌及孫林父盟 楚公子貞帥

師圍陳 十有二月公會晉侯宋公陳侯衛

侯曹伯莒子邾子于鄆于軌切 鄭伯鬃音頤

如會未見諸侯丙戌卒于鄆七報切 陳侯逃

歸

傳七年春邾子來朝始朝公也

以公初即位而來朝

夏四月三卜郊不從乃免牲孟獻子曰吾乃

今而後知有卜筮夫郊祀后稷以祈農事也

道光二年 武英殿刊刻 左傳讀本卷四 襄公 三

是故啓蟄而郊郊而後耕今既耕而卜郊宜

其不從也

后稷周始祖。教民稼穡者。故祀以配天而祈農事。啓蟄在夏正寅月。

南遺爲費音秘宰叔仲昭伯爲隧音遂 正欲善季

氏而求媚於南遺謂遺請城費吾多與而役

故季氏城費

費季氏邑。在今費縣。與費齊父之費在今魚臺者別。南遺季氏家臣。叔仲昭伯。惠伯之孫。隧正。遂人。掌諸遂之政。令出徒役者。費邑初成。季氏專政之始。

小邾穆公來朝亦始朝公也

也。秋季。武子如衛。報子叔之聘。且辭緩報。非貳

子叔聘在元年。言國家多故。不能及時報聘。非有貳心。

冬十月。晉韓獻子告老。公族穆子有癘疾。將

立之。辭曰。詩曰。豈不夙夜。謂行多露。又曰。弗

躬弗親。庶民弗信。無忌不才。讓其可乎。請立

起也。與田蘇游。而曰好去聲仁。詩曰。靖共爾

位。好是正直。神之聽之。介爾景福。恤民為德。

正直為正。正曲為直。參七南切和為仁。如是

則神聽之。介福降之。立之不亦可乎。庚戌。使

宣子朝。遂老。晉侯謂韓無忌仁。使掌公族大

夫。

穆子。韓厥長子。成十八年。為公族大夫。將立。將使代為卿也。詩言欲早行而畏多露。之濡。以喻行必以禮。又言在位者不身親其事。則庶民必不信從。無忌。穆子名。起。無忌。弟。宣子也。田蘇。晉賢士。嘗以好仁稱。起。靖。安也。介。助也。景。大也。詩言君子之思。恒不出位。而又求正直之人。與之為理。則神順其行。而助以大福。正直已心。正曲。正人曲。與德合為三。謂之參和。言起有此三德。可以立之。掌公族大夫者。使為公族師長。

道光十一年

武英殿刊刻

左傳讀本卷四 襄公 三

衛孫文子來聘。且拜武子之言。而尋孫桓子之盟。公登亦登。叔孫穆子相趨進曰。諸侯之會。寡君未嘗後衛君。今吾子不後寡君。寡君未知所過。吾子其少安。孫子無辭。亦無悛。音容。穆叔曰。孫子必亡。為臣而君過而不悛。亡之本也。詩曰。退食自公。委蛇必折。

烏塵切。蛇音遺。委蛇謂

拜武子緩報非貳之言。孫桓子盟在成三年。禮。君先臣升階一等。今孫子與魯君同登。少安。徐行也。悛。改也。委蛇。順從貌。詩言人臣自公朝退食。委曲以順平禮。若以橫

道光二年

左傳讀本卷古

襄公

三

道為委蛇。則其人必將毀折。不能終其職位。衡。橫也。

楚子囊圍陳。會于鄢。以救之。

鄢。鄭地。在  
今魯山縣

鄭僖公之為犬音泰子也。於成之十六年。與子

罕適晉。不禮焉。又與子豐適楚。亦不禮焉。及

其元年。朝于晉。子豐欲愬諸晉而廢之。子罕

止之。及將會于鄢。子駟相去聲。又不禮焉。侍者

諫。不聽。又諫。殺之。及鄢。七報切。子駟使賊夜弑

僖公。而以瘧疾赴于諸侯。簡公生五年。奉而

立之。

子豐。穆公子。鄭僖元年。魯襄三年也。鄭地。鄭人以癘疾赴。春秋因赴告之。文書之。簡公。僖公子。時方五歲。

陳人患楚。慶虎慶寅謂楚人曰。吾使公子黃往。而執之。楚人從之。二慶使告陳侯于會。曰。楚人執公子黃矣。君若不來。羣臣不忍社稷宗廟。懼有二圖。陳侯逃歸。

二慶。陳大夫為政者。公子黃。哀公弟。懼有二圖者。言將背君從楚。陳侯逃歸。鄰會所以不書救陳。

道光二年

左傳讀本卷四

襄公

書

經八年春王正月公如晉

夏葬鄭僖公無傳

鄭人侵蔡。獲蔡公子燮。季孫宿會晉侯

鄭伯齊人宋人衛人邾人邾人于邢丘。公至自

晉無傳莒人伐我東鄙。秋九月大雩。冬

楚公子貞帥師伐鄭。晉侯使士囚來聘。

傳八年春。公如晉朝。且聽朝聘之數。

晉悼復脩霸業。故朝以聽朝聘多少之數。

鄭羣公子以僖公之死也。謀子駟。子駟先去聲之。夏四月庚辰。辟殺子狐。子熙。子侯。子丁。

孫擊孫惡出奔衛。

稱罪也。加之罪而殺之。一孫子狐之子。

庚寅。鄭子國子耳。侵蔡。獲蔡司馬公子燮。鄭人皆喜。唯子產不順。曰：小國無文德而有武功。禍莫大焉。楚人來討。能勿從乎？從之。晉師必至。晉楚伐鄭。自今。鄭國不四五年。弗得寧矣。子國怒之曰：爾何知國有大命而有正卿童子言焉。將為戮矣。

鄭欲求媚于晉。故侵蔡。不書蔡師敗者。第以獲來告。子產子國子。公孫僑也。不順者。

道光二年

左傳讀本卷古

襄公

五

不順眾而喜。大命。行軍之命。

五月甲辰。會于邢丘。以命朝聘之數。使諸侯之大夫聽命。季孫宿。齊高厚。宋向戌。衛甯殖。邾大夫會之。鄭伯獻捷于會。故親聽命。大夫不書。尊晉侯也。

邢邱。晉地。在今懷慶府東南七十里。晉悼復霸。命諸侯以朝聘之數。難煩諸侯。使諸國之大夫聽命于會。春秋以晉侯有德義可尊。故退諸大夫以崇之。

莒人伐我東鄙。以疆郟田。

莒既滅鄆。魯侵其西界。故伐魯東鄙。以正其疆。

秋九月大雩旱也。

冬楚子囊伐鄭討其侵蔡也。子駟子國子耳。

欲從楚。子孔子蟻。居表切子展欲待晉。子駟曰。

周詩有之曰。俟河之清。人壽幾何。非云詢多。

職競作羅。謀之多族。民之多違。事滋無成。民

急矣。姑從楚以紓。舒音吾民。晉師至。吾又從之。

敬共幣帛。以待來者。小國之道也。犧牲玉

帛。待於二竟。同境以待彊者。而庇民焉。寇不爲

害。民不罷。音皮病不亦可乎。子展曰。小所以事

大信也。小國無信。兵亂日至。亡無日矣。五會

之信。今將背之。雖楚救我。將安用之。親我無

成。鄙我是欲。不可從也。不如待晉。晉君方明。

四軍無闕。八卿和睦。必不弃鄭。楚師遼遠。糧

食將盡。必將速歸。何患焉。舍之間之。杖莫如

信。完守以老楚。杖信以待晉。不亦可乎。子駟

曰。詩云。謀夫孔多。是用不集。發言盈庭。誰敢

執其咎。如匪行邁謀。是用不得于道。請從楚。

駢也。受其咎。乃及楚平。使王子伯駢。賢切告

道光二年  
武英殿刊刻

左傳讀本卷四

襄公

三

于晉曰。君命敝邑。脩而車賦。敝而師徒。以討

亂略。蔡人不從。敝邑之人。不敢寧處。悉索敝

賦。以討于蔡。獲司馬燮。獻于邢丘。今楚來討

曰。女汝同何故稱兵于蔡。焚我郊保。馮同陵我

城郭。敝邑之衆。夫婦男女。不皇啓處。以相救

也。翦焉傾覆。無所控告。民死亡者。非其父兄

即其子弟。夫音人愁痛。不知所庇。民知窮困

而受盟于楚。孤也與其二三臣。不能禁止。不

敢不告。知去聲。武子使行人子貞對之曰。君有

楚命。亦不使一介音行李。告于寡君。而即安

于楚。君之所欲也。誰敢違君。寡君將帥諸侯

以見于城下。唯君圖之。

道光二年 武英殿升刻 左傳讀本卷四 襄公 七

子孔。穆公子。子嘉。子蟠。子游。子公。孫薑。子展。子罕。子公孫舍之。逸詩言黃河千年

一清。人壽短。不能俟。喻晉不足恃。非也。詢。謀也。職。主也。言謀多則競。作羅網之難

而無可成之功。二境。謂晉楚之界。五會。謂三年雞澤。五年戚。城棣。七年鄆。八年邢。邱

親我。謂晉鄙我。謂楚以鄭為鄙邑。杖。莫如信。言國有信。猶人有杖。詩言謀甚多。則是

匪亂而無就。出言者衆。則無人任受其咎。謀。彼也。行邁。行路之人。言如彼不善謀者

伯駢。晉大夫。翦。盡也。夫人。猶人。人一介。獨

謀。于行路之人。是以不得于道。衆無所從。



使也。行李。行人也。

晉范宣子來聘。且拜公之辱。告將用師于鄭。公享之。宣子賦。擣匹妙切。又有梅。季武子曰。

誰敢哉。今譬於草木。寡君在君。君之臭味也。

歡以承命。何時之有。武子賦。角弓。賁將出。武

子賦。彤弓。宣子曰。城濮之役。我先君文公獻

功于衡雍。去聲。受彤弓于襄王。以為子孫藏。如字

又去。凶也。先君守官之嗣也。敢不承命。君子

以為知禮。

道先一年

左傳讀本卷西

襄公

五

拜公今年春朝晉。賦擣有梅。擣落也。梅實熟則落。女色盛則衰。吉士求之。宜及時。意欲魯及時助晉討鄭。臭味謂同類。賦角弓。取兄弟婚姻無相遠。賦彤弓。取諸侯有敵。城濮之功。天子賜以彤弓。欲晉繼文公之業。父為先君職守之官。已為其嗣。此彤弓為晉侯受之。與文四年甯武子不受彤弓。同意。知禮。

經九年春宋災。夏季孫宿如晉。五月辛

酉夫人姜氏薨。秋八月癸未葬我小君穆

姜。無傳。冬公會晉侯宋公衛侯曹伯莒子邾

子滕子薛伯杞伯小邾子齊世子光伐鄭十

有二月己亥同盟于戲平聲。楚子伐鄭。

傳九年春。宋災。樂喜為司城以爲政。使伯氏

司里。火所未至。徹小屋。塗大屋。陳畚音本。搗音白。

具。縷音梗。缶。備水器。量輕重。蓄一作蓄。水潦。積土。

塗。巡丈城。繕守備。表火道。使華臣具正徒。令

隧。正納郊保。奔火所。使華閱討右官。官庀匹婢。

切其司。向戌討左。亦如之。使樂遄庀刑器。亦

如之。使皇鄭音云命校正出馬。工正出車。備甲

兵。庀武守。使西鉏吾庀府守。令司宮巷伯傲

道光二年 武英殿刊刻 左傳讀本卷西 襄公 无

宮。二師令四鄉正敬享。祝宗用馬于四墉。一作

庸。祀盤庚于西門之外。晉侯問於士弱曰。吾

聞之。宋災。於是乎。知有天道。何故。對曰。古之

火正。或食於心。或食於味。音畫。以出內。音納。火是

故。味爲鶉火。心爲大火。陶唐氏之火正闕。音過

伯。居商丘。祀大火。而火紀時焉。音去聲。相土因之。

故商主大火。商人閱其禍敗之釁。音切。斯必始

於火。是以日知其有天道也。公曰。可必乎。對

曰。在道。國亂無象。不可知也。

樂喜。子罕也。為政。為備火之政。伯氏。宋大夫。司里。里宰也。大屋。不及徹。故塗以水。泥。舂草器。搗木器。皆以盛土。缶。汲器。鍊。其索也。水器。盆。鑿之類。量。輕重。計。人力所任。巡行也。丈。度也。謹。守戒備。恐。因災作亂。表。火道。表。道以行。火使。不旁灼。華。臣。華元子。時。為司徒。使。作徒役。以聽命。隧。正。遂人也。使。納郊野。保。守之民。從。火所到。而救之。華。閔亦。華元子。時。為右師。討。治也。庀。具也。使。具其所屬之官。尚。成時。為左司。樂。造時。為司寇。使。藏刑器。與。刑書。皇。鄭。皇父。充石之後。校。正。校人也。工。正。中車也。出。車馬。以避火。備。甲兵。庀。武守者。出。甲兵。于武庫。以備非常。西。鉏。吾。時。為大宰。庀。府守。出。故府所藏。六。官之典。司。宮。內。小臣。巷。伯。寺人也。使。徹戒。宮人。二。師。左。師。右。師。鄉。正。四。鄉之大夫。天。火。為災。當。徧。祀。羣。神。祝。大。祝。宗。宗。人。用。馬。祭。城。以。禳。火。城。積。陰。之。氣。也。盤。庚。殷。十。

道光二年  
武英殿刊

左傳讀本卷四

襄公

三

九。代。王。宋。遠。祖。也。士。弱。士。渥。濁。之。子。晉。侯。言。知。有。天。道。者。蓋。先。聞。人。言。宋。當。災。也。火。正。主。火。之。官。歿。而。為。神。配。享。火。星。季。春。鶉。火。昏。在。南。方。則。出。火。季。秋。大。火。伏。在。日。下。則。內。火。鶉。火。柳。星。張。之。次。大。火。心。星。也。閔。伯。高。辛。氏。之。子。昭。元。年。傳。曰。遷。闕。伯。于。商。邱。主。辰。為。宋。星。其。後。契。孫。相。土。代。闕。伯。居。商。邱。為。宋。之。祖。值。大。火。星。之。分。野。闕。猶。數。也。商。人。歷。見。禍。敗。之。起。必。始。于。火。宋。為。商。後。故。先。知。之。國。亂。無。象。者。言。國。若。無。道。則。災。變。亦。殊。不。可。必。知。

夏季武子如晉報宣子之聘也

宣子聘  
在八年

穆姜薨於東宮始往而筮之遇艮之八



史曰。是謂艮之隨。䷐ 隨其出也。君必速出。

姜曰。亡。是於周易曰。隨元亨利貞。無咎。元體

之長。聲也。亨。嘉之會也。利。義之和也。貞。事之

幹也。體。仁足以長人。嘉。德足以合禮。利物足

以和義。貞。固足以幹事。然故不可誣也。是以

雖隨無咎。今我婦人而與去聲於亂。固在下位。

而有不仁。不可謂元。不靖。國家不可謂亨。作

而害身。不可謂利。弃位而姤。戶交切不可謂

貞。有四德者。隨而無咎。我皆無之。豈隨也哉。

道光二年 武英殿刊刻

左傳讀本卷四

襄公

三

我則取惡。能無咎乎。必死於此。弗得出矣。

東宮。別宮也。穆姜有淫行。幾致廢立之禍。故遷于別宮。艮之八者。賈逵及鄭康成以

為周易用九六。連山歸藏二易則用七八。春秋時兼用夏殷之易。故所占如此。七為

少陽。八為少陰。其爻不變。史言是謂艮之隨者。以艮八為不利。故以周易占變爻而

得隨。隨卦非艮止之象。故曰隨其出也。亡無也。史既據周易。姜亦以周易占之。不可

誣者。言有元亨利貞四德。乃得無咎。無此四德。終不免咎。在下位者。婦人位卑。姤。淫

也。一說艮之八。即艮之隨。蓋初六八二九三六四六五上九五爻變。獨二爻不變。是謂之隨。而

占八二也。

秦景公使士稚苦田切乞師于楚。將以伐晉。楚

子許之。子囊曰：不可。當今吾不能與晉爭。晉君類能而使之，舉不失選，官不易方，其卿讓於善，其大夫不失守，其士競於教，其庶人力於農穡，商工阜隸，不知遷業，韓厥老矣，知營稟焉以爲政。范匄去聲於中行偃，而上之，使佐中軍。韓起少於欒黶，而欒黶士魴，上之，使佐上軍。魏絳多功，以趙武爲賢而爲之佐。君明臣忠，上讓下競，當是時也，晉不可敵。事之而後可。君其圖之。王曰：吾既許之矣，雖不及，晉必將出師。秋，楚子師于武城，以爲秦援。秦

道光二年

武英殿刊刻

左傳讀本卷四

襄公

人侵晉，晉饑弗能報也。

晉不何嫡率之

士雅。秦大夫類能任所能，不失選。所選舉皆賢人，讓於善，讓善於己者，不失守。各善于其職，競于教者，遵上教令。種曰：農收曰穡。不知遷業者，不相雜而有恒心。時晉知營將中軍，范匄佐之，荀偃將上軍，韓起佐之，欒黶將下軍，士魴佐之。趙武將新軍，魏絳佐之。所用皆得其人。諸臣交讓，勤于職守，故不可敵。武城，楚地。在今信陽東北二十里。

冬十月，諸侯伐鄭。庚午，季武子、齊崔杼、宋皇郈從荀偃士匄門于鄆，衛北宮括、曹人

邾人從荀偃。韓起門于師之梁。滕人薛人從。欒黶士魴門于北門。杞人郕音倪人從。趙武魏

絳斬行栗。甲戌師于汜。音汎令於諸侯曰。脩器

備。音成盛餼。音候歸老幼。居疾于虎牢。肆眚。音生領

切圍鄭。鄭人恐。乃行成。中行獻子曰。遂圍之。

以待楚人之救也。而與之戰。不然無成。知武

子曰。許之盟。而還師。以儆楚人。吾三分四軍。

與諸侯之銳。以逆來者。於我未病。楚不能矣。

猶愈於戰。暴音入骨以逞。不可以爭。大勞未艾。

君子勞心。小人勞力。先王之制也。諸侯皆不

欲戰。乃許鄭成。十一月己亥。同盟于戲。鄭服

也。將盟。鄭六卿。公子駢。公子發。公子嘉。公孫

輒。公孫薑。輒邁切公孫舍之。及其大夫。門子皆

從。去聲鄭伯。晉士莊子爲載書。曰。自今日既盟

之後。鄭國而不唯晉命是聽。而或有異志者。

有如此盟。公子駢趨進曰。天禍鄭國。使介居

二大國之間。大國不加德音。而亂以要平聲之。

使其鬼神不獲歆其禋祀。其民人不獲享其

道光二年  
武英殿刊刻

左傳讀本卷四

襄公

三

土利。夫婦辛苦墊丁念隘於懈切無所底音告

自今日既盟之後。鄭國而不唯有禮與疆可

以庇民者是從。而敢有異志者。亦如之。苟偃

曰。改載書。公孫舍之曰。昭大神要言焉。若可

改也。大國亦可叛也。知武子謂獻子曰。我實

不德。而要人以盟。豈禮也哉。非禮何以主盟。

姑盟而退。脩德息師而來。終必獲鄭。何必今

日。我之不德。民將弃我。豈唯鄭。若能休和。遠

人將至。何恃於鄭。乃盟而還。

道光二年  
武英殿刊刻

左傳讀本卷四

襄公

四

伐鄭。討從楚也。魯齊宋三國從中軍。鄭門。

鄭東門。衛曹邾三國從上軍。師之梁。鄭西

門名。滕薛二國從下軍。杞鄭二國從新軍。

行栗。表道之樹。師于汜者。軍還皆聚鄭東

汜。在令襄城。脩器備。具軍器。戰備。餼。乾食。

歸。老幼。示將入。駐師。時諸侯已取虎牢。故

使軍中有疾者。居養。肆餽。赦過也。圍鄭不

書者。未成圍。而鄭服。自脩器備以下六事。

皆號令之詞。中行獻子。苟偃也。恐師還。鄭

復從楚。欲待楚來與戰。知營言三分晉四

軍。與諸侯之銳師。迭出逆楚。則晉軍有更

代。不疲而楚敵。暴骨戰骨也。艾止也。戲。即

戲童。鄭地。今汜水縣南四十里有浮戲山。

門子。卿之適子。載書盟書。介間也。亂。以要

之。稱兵要盟也。墊。監委頓也。底。至也。子駟

亦以所言書於策。故苟偃欲改載書。昭大

神要言。告神明。

為要誓之言。

晉人不得志於鄭。以諸侯復伐之。十二月癸亥。門其三門。閏月。讀作門五日戊寅。濟于陰阪。侵

鄭。次于陰口而還。子孔曰。晉師可擊也。師老而勞。且有歸志。必大克之。子展曰。不可。

盟戲後。鄭猶未服。故復伐之。三門。郭門。師之梁。北門也。癸亥。門之。門五日。三門十五日。其十六日。則戊寅。濟于陰阪也。陰阪者。有水。東經洧川縣西。水有梁焉。陰口者。洧水口。水經注云。水南曰陰口者。水口也。

公送晉侯。晉侯以公宴于河上。問公年。季武

子對曰。會于沙隨之歲。寡君以生。晉侯曰。十

道光二年 武英殿刊刻 左傳讀本卷五

襄公

五

二年矣。是謂一終。一星終也。國君十五而生

子。冠去聲而生子。禮也。君可以冠矣。大夫盍為

冠具。武子對曰。君冠。必以裸音灌享之。禮行之。

以金石之樂節之。以先君之祧音挑處之。今寡

君在行。未可具也。請及兄弟之國。而假備焉。

晉侯曰。諾。公還及衛。冠於成公之廟。假鐘磬

焉。禮也。

沙隨。會在成十六年。一星終。謂歲星十二年而一周天。古者國君十五生子。禮必冠。而後娶。文王十三生伯邑考。是十二可行冠禮也。裸。享。以鬱鬯酒祀先君。金石。鐘磬。



諸侯以始祖廟為禘。  
成公今衛獻公曾祖。

楚子伐鄭。子駟將及楚平。子孔子蟜曰。與大國盟。口血未乾而背之。可乎。子駟子展曰。吾盟固云。唯彊是從。今楚師至。晉不我救。則楚彊矣。盟誓之言。豈敢背之。且要盟無質。神弗臨也。所臨唯信。信者言之瑞也。善之主也。是故臨之。明神不蠲。音消。要盟背之可也。乃及楚平。公子罷。音疲。戎入盟。同盟于中分。楚莊夫人卒。王未能定鄭而歸。

道光二年  
武英殿刊刻  
左傳讀本卷五

襄公

三

楚伐鄭。鄭與晉成也。質。誠也。瑞。符也。蠲。潔也。中分。鄭城里名。罷。戎。楚大夫。莊夫人。共母。王。

晉侯歸。謀所以息民。魏絳請施舍。輸積。音去。聚以貸。自公以下。苟有積者。盡出之。國無滯積。亦無困人。公無禁利。亦無貪民。所以幣更。寘以特牲。器用不作。車服從給。行之期年。國乃有節。三駕而楚不能與爭。

施舍。施恩。舍役也。輸。盡也。無困人。謂民無匱乏。無禁利。謂澤梁無禁。行禮讓。則無貪。民祭以幣。則不用牲。寘。用特牲。則無牢禮。皆崇儉也。器用不作。不製新者。車服從給。

謂取給事而止。三駕謂十年牛首。十一年向。其年秋鄭東門。自此鄭遂報。

道光二十一年  
武英殿刊刻

左傳讀本卷西

襄公

三

欽定春秋左傳讀本卷十四

